

LE

CENTRALE V. E. II



et de illa quam tunc ut infra sanctus Augustus asseruit infra duos dies
occurrentis hinc sortitur reservatione et de cetero asservientibus sub
pena dicte excommunicationis et de statutum excommunicatis
et tantum a quibus excommunicationis suspensionis et in
in curat consequentiam. Sanum serie absolventes et absolventes
debeant in die canonica. In modo deputati. Sin autem absque illis facien
tus centum et triginta duobus anni de camera in communem ex
communicationis hinc omni vel universis alterius de illa in Com
municatis et laqueis omni alterius beneficii ecclesiarum et quavis au
tem vel alias generaliter reservationi existant et de
pertinentiis suis eidem. Tantum qui in seum a
sueint a illa nostra confectas et aliquas in
ut et de hinc invidiam amos ex in

12. 13. c. 14.
DEMONSTRATIO
OPTICARIS.

Loci sine locato:

Corporis successivè moti in vacuo:

Luminis nulli corpori inhaerentis.

A

VALERIANO MAGNO

FRATRE CAPUCCINO

exhibita.

SERENISS: PRINCIPIBUS

VLADISLAVO IV.

REGI,

ET

LVDOVICÆ MARIAE

REGINÆ

POLONIAE & SVECIAE,

Magnis Ducibus Lithuaniae, &c.

Addita est egregia Epist. AE. P. de Roberual

VENETIIS EX TYPIS HERZIANIS M.DC.II.

Superiorum permissu.

12-11-18

Itama? Elephantinus? et est - 42. in scopis
substruendo. Quæstio semantibus oculis hinc
scato, pro vacuo imaginaria tanto in pphila videtur.
Mercurio in ea legantur: edita a Polyrionis in quo.
Ita lego in Indice Biol. Barberina

2
ALL' ILLVSTRISS.

SIGNOR MIO SIGNOR E PATRON

Colendissimo

II SIGNOR GIOVANI MOCENIGO

L *Presente Libro del Vacuo
mandato da Polonia al Padre
Antonio da Reggio minor of-
seruante conuentuale stato di-
gnissimo Prouinciale nella sua Religione, e
stimatissimo Maestro di Filosofia, e Teo-
logia: e da sua P. Reuerendiss. consegnato
al Signor Francesco Torricelli Denali pur
Reggiano, Gentilhuomo dotato di quelle
Lettere, c'hà fatto publica e priuatamente
conoscer in Padoua, onde n'è arriuato il gri-
do ancor quì à Venetia: e dall'vno, e l'al-
tro di questi Letterati stimato degno di ri-
stampa hà Testimonij così autoreuoli della
dottrina, che in se racchiude, che non si può
dubitare non sia degno di dedicarsi à qua-*

A 2 *lunque*

lunque più scientiato, e più meriteuole Cau-
liere . Però io , hauendo hauuta fortuna di
ristamparlo , e libertà insieme di Dedi-
carlo à chiunque più mi piacesse , hò subito
messi gli occhi nella persona di V. S. Il-
lustriss. la quale per le sue esterne gran-
dezze di nobiltà di natali e glorie
de' suoi Antenati famosi in pace & in
guerra , e per l'interne dell' incompara-
bili sue virtù fatte da lei apparire col
sostenere ne' suoi più teneri anni difficilissime
Catedre di Filosofia , si può giustamente
connumerare frà i più qualificati Gentil-
huomini della Republica Serenissima . Sup-
plico dunque humilissimamente V. S. Il-
lustriss. à voler gradir questo dono , che
tanto à lei si conuiene ; massime che stra-
ordinaria è la partialità con la quale si
mostra inclinata al merito del suddeto
Signor Torricelli , e ne fauorisce la
persona , & interessi . E per fine , con-
segnandomi humilmente nella sua bona
gratia

gratia ; a V. S. Illustriss. faccio humilissima , e diuotissima Riuerenza..
 Venetia . 8 Giugno 1649.

D. V. S. Illustriss.

Humilissimo e Diuotissimo

Servitore .

Gio: Giacomo Herz

27 2

I

R E X I N A E T E R N V M

Viue .

EDidi Tractatum de Luce Mentium, sub cuius ra-
dionon adeò multi exultant, cæteris cæcutienti-
bus ex intuitu tanti fulgoris . Spem feci Philoso-
phiæ veræ, propagandæ ex illo Dogmate cuius, dum ali-
quod initium feruet sub prælo, me incessit formido in-
gens seuerioris censuræ à Peripatu, stipato ingenti satel-
litio Theologorum: qua propter cœpi mecum ipse exco-
gitare, si qua luce sensibili, quandoquidem illa mentium
putatur innaccessibilis, qui rem damnare falsitatis pri-
ma elementa Philosophiæ Peripateticæ, quæ, me spectan-
te, damnantur à Luce Mentium, quatenus ipse Peripa-
tus ferret meam Philosophiam, si non molliusculè, mi-
nus tamen acerbè . Successit cogitationi inuentum præ-
clarum, minax in Aristotelem, dignum Regia conside-
ratione, & admiratione, quod nimirum, à sæculo non
sit, non ausim dicere cognitum, sed publicè exhibitum.
Facti historiam præmitto, antequam exinde censeam
de primis principiis Philosophiæ Aristotelicæ; exordior ta-
men à declaratione, sine qua non satis intelligitur quid
sit Vacuum, quiuè sit status quæstionis de possibilitate
Vacui, demonstrandi ad oculum.

Quid sit Vacuum .

Corpora præcipua mundi elementaris, exposita om-
nium oculis ac sensibus, sunt Terra, Aqua, &
Aer: Sphæram ignis non vidi: ex quibus generantur
pleraque alia, minima tamen respectuè ad præfata. Eiu-
smodi sunt lapides, metalla, præter vegetabilia, & ani-
malia .

malia. Partes terræ continuantur inuicem, & violenter auulsæ, cessante illa vi, reperunt suum totum, & coalescunt in vnâ sphæram. Eadem natura est Aquæ, & Aëri, vndè habemus sphæras Terræ, Aquatum, & Aëris, quas nemo non videt, qui tamen vidit congregationem aquarum, quæ nuncupatur Mare. Inest ergo singulis elementis quædam virtus collectiua partium in vnâ molem sphæricam, quam virtutem Philosophi nominant Grauitatem, & Leuitatem: Ego verò eam denomino Continuatiuam, quæ alia est in Terra, alia in Aqua, alia in Aëre; si quidem vnaquæque continuat proprias partes suo Toti. Porro hæ tres Sphære occupant in mundo ea loca, quæ cernimus; nimirum, Terra infimum, Aër supremum, Aqua medium.

Præter has virtutes Continuativas animaduertimus, existere aliam effectiuam, & conseruatiuam contiguitatis sphærarum Terræ, Aquæ, & Aëris, aliorumque corporum mixtorum, secundum proportionem elementi prædominantis: quam virtutem de nomine Contiguatiuam. Hæc est illud agens naturale, quod prohibet locum esse vacuum ab omni corpore, quatenus partes integrantes mundum, & minutiores quæque contiguentur in vnâ molem quæ nuncupatur Vniuersum.

Demum inhæret stellis, & præcipue Soli virtus discōtinuatiuâ partium Terræ, & Aquarum, Aëris verò (ad minimum) rarefactiua: tamen si virtutes continuatiuæ illorum elementorum nactæ opportunitatem recessus stellarum, reperant partes sibi per vim extortas.

Partes terræ, eatenus extortæ errant per aëra sub nomine exhalationis; Aquarum vero sub titulo Vaporis: Hæ recidunt in rorem, pruinam, niues, grandinem, & pluuiam: Illæ sæpius accensæ coruscant, tonant, & condensantur in fulmina, semperque miscentur aquis, quomodolibet decidentibus, ac recurrentibus ad suum Totum, scilicet ad Mare. Tria (inquam) corpora simpli-

cia

cia eatenus discontinuantur a luce stellarum, siue sint in propria sphaera, siue in corporibus mixtis. Hanc virtutem stellarum de nomine Discontinuatiam; contiguatiua verò aggreditur virtutem continuatiuam praefatorum corporum tanto impetu, & virium suarum iactantia, ut credatur inuincibilis a virtute continuatiua: nam, si qua potentia aggrediatur discontinuare, v. g. Aquas ab Aëre, nullo inter discontinuata corpora interiecto corpore, virtus contiguatiua cogit vel Aquas ascendere, vel Aërem descendere, idque efficit cum tanta violentia, ut sit multorum opinio, hanc virtutem deducturam partem celi, si alia defint, quam suggerat ad euitandam eam discontinuationem, quæ relinquat locum sine corpore locato.

Est ergo communis Philosophorum sententia, auctore inter alios, Aristotele, locum sine locato esse impossibile. Mihi verò hæc opinio fuit semper suspecta, tum quod asserta nullitas proportionis inter virtutem contiguatiuam, & continuatiuam non consonet concordiae naturali partium mundi elementaris, inuicem alioquin dissidentium; tum etiam quod necessitas suggerendi partes elementorum subtilissimas ad replenda vacua exilia, quæ non possunt non euenire a virtute dis-

continuatiua, sit præcipuum fundamentum

mixtionis elementorum, sine qua non est

possibilis generatio corporum sub-

lunarium. Tamen non sum au-

sus (ea est communis

sententiæ auctori-

tas apud

me) deferre his argumen-

tis, ni habeant testi-

monium a sen-

su

Inquiri-

Inquiritur Argumentum sensibile profol- uenda Quæstione de Possibi- litate Vacui.

HAud dubium, quin concursus virtutum illarum in descensu aquarum vsque ad centrum Terræ, & in ascensu fluctuū maris agitari per maxima volumina partium aeris à spiritu ventorum, fiant jis motibus, qui dirimerent quæstionem de possibilitate vacui, si essent à nobis considerabiles ad oculum. At nos non volamus per æthera, nec penetramus viscera terræ, sed gradimur in eius superficie; qua propter adduxi in considerationem proportionem grauitatis inter corpora, quæ suapte natura sunt liquida, quibus replem vas aliquod, secundum methodum paulò infrà exponendam. Comparauit ergo grauitatem argenti viui, scilicet Mercurii, cum aqua, & deprehendi id esse circiter duodecuplo grauius aqua. Hac habita proportionem, sic mecum ipse ratiocinabar. Si fistulam quantum libet longam, altera extremitatum clausa, repleuero liquenti corpore graui, sitque virtus contiguatiua inuincibilis à continuatiua, quæ in hoc casu nuncupatur Grauitas; & fistula erigatur super planum Horizontis, orificio inferno hiante seu aperto, non defluet aqua, neque mercurius, ne detur vacuum in superiore parte fistulæ. Sin autem virtus contiguatiua nequeat suspendere, nisi determinatum pondus aquarum, aut mercurii, necessario id aquæ, aut mercurii descendet per fistulam, quod nequit suspendi à virtute contiguate: in quo casu, vel dabitur vacuum in fistula, vel fistula frangetur.

Porro ex opusculo quodam Galilæi de Galileis cognoueram, quòd per mechanica instrumenta non sit possibile

le aquam eleuari in fistula, seu canali ultra octodecim
vlnas, quapropter intellexi nec posse ab eadem virtute
contiguante eleuari mercurium vsque ad secundam vl-
nam, ob excessum eius grauiatis super grauitatem aquæ:
quapropter me incescit ingens cupido parandæ eiusmodi
fistulæ ex vitro, quatenus ad oculum dirimerem quæstio-
nem celeberrimam disputatam à mundo condito. Feci,
& vidi oculis meis.

Locum sine locato :

Corpus motum successuè in vacuo :

Lumen nulli corpori inherens.

Facti historia.

PROCURAUI, fistulam vitream, longam ultra cubitos
duos, cuius canalis commodè excipiat pisum. cras-
sitiei vitri est tanta, quanta est grani frumentacci. Vnum
eius orificium occlusi sigillo Hermetis scilicet, vitro li-
quenti. Hanc fistulam impleui argento viuo, cuius ori-
ficium patens obturaui digito vehementer applicato, su-
per quo orificio, eatenus obrurato, erexi fistulam, quam
immerisi argento viuo, indito vasi congruo, quod vas
erat pariter immersum vasi repleto aquis, ita vt aquæ
eminerent supra argentum viuum digitis quatuor.

Hunc processum ter repetii, nec tamen eodem modo
perfecti, quo caperam. Prima vice reseraui orificium in-
fernum fistula erecta, ac merisa mercurio. Secunda vice,
reseraui illud ipsum orificium, fistula erecta, & merisa
aquis. Tertia vice reseraui fistulam eodem modo extrâ
mercurium, & aquas in libertimo Aere: Quid viderim
oculis meis excipe, SERENISSIME, & admirare impen-
sius.

Deobturato orificio infimo fistula erecta, & merisa
mercu-

mercurio, is eodem momento, suoptè pondere præcipitatur per canalem fistulæ, salitque iterum, ac defilit, & post nonnullas eiusmodi vibrationes, inferior pars fistulæ, longior cubitu vno, visitur plena mercurio, superior verò creditur vacua ab omni corpore: nā oculis nil aquæ, in illa parte cernitur. Aër vero non potuit subire aquas, & mercurium, & sursum penetrare fistulam: quapropter pars superior fistulæ, est locus sine locato, qui erat demonstrandus.

Quid opponis Stagirita? Aër, (inquit) vacui cuitandi gratia, penetravit poros vitri vsque ad eius cavitatem? At ego: Cur Aër eatenus accitus non occupauit totam fistulam? Fortassis responderetur, virtutem contiguatiam suppleuisse partes fistulæ, iis corporibus, quæ facilius poterat intrò virgere, scilicet, mercurio inferiores, aëre superiores. Fateor, hæc adduci non inuerecundè, oculis non distinguentibus inter Aërem, & nihilum Aëris.

Verum hæc quæstio, futura alioquin æterna, dirimitur ad oculum, si amoueas digitum ab orificio inferno fistulæ erectæ & mercurio repletæ extractæ a mercurio, dum eius pars infima mergitur aquis: nam eodem momento aquæ magno impetu assurgunt per canalem fistulæ, pelluntque mercurium vsque ad summitatem, quo deorsum labente aliæ aquæ sursum vibratæ, iterum sursum pellunt partem aliquam mercurii descendentis: ita vt, non sine tumultu post notabile spatium temporis tota fistula conspiciatur plena aquis, quæ non potuissent illa spatia replete, si fuissēt occupata ab Aëre quomodolibet introducto. Adiungo Naturæ discretionem: Vix est possibile fundere intrò fistulam mercurium, quin admoto, vti suprà digito qui claudat eius orificium, intercipiatur aliquid Aëris, quem natura, per repletam fistulam aquis, secernit ab aqua visibilem instar perlæ lucidioris, mouetque sursum ab imo fundo toties, quoties libuerit inuerrere Fistulam:

lam : ita vt, oculo teste, nil aeris fuetit in vacua parte Fiftulæ, præter eam particulam, quæ vifitur. Eftne, SERENISSIME, refiduum negandi, aut ambigendi argumentum? vix puto. Conuicta (inquit Auguftinus alia occasione) erant omnia argumenta, fola reftabat muta trepidatio.

Denique admoueo Aerem replendæ fiftulæ, vacanti ab omni corpore, poft adhibitas aquas, & mercurium: fortaffis Aër fua leuitate faliet ad partes fiftulæ fupremas maiore, ac fenfibiliori impetu quàm fufum mota fuerit aqua, fuaptè natura grauis, & mercurius grauiffimus omnium corporum poft aurum. Factum eft, &, defluente mercurio ponderofiffimo, Aer fele fiftulæ per orificium infinuauit impetu penè incredibili: nani mercurium fufum pepulit, & cum fonitu illifit vitro, obturanti orificium fupernum, concuffa fiftula, & penè de meis manibus excuffa fufum, ita vt, & aure, & tactu, nedum oculo, fenferim violentiam virtutis contiguantis in repletionem vacui præexiftentis. Ergò fiftula vitrea maiore fui parte fuit vacua ab omni corpore: Ergo Mercurius, Aqua, & Aer mouebantur fucceffiuè in vacuo: Quæ erant demonftranda oculariter. Tranfilio plurima digna ftupore.

Supereft demonftrare, pariter ad oculum lumen, quod fubfiftat fine vilo corpore: cuius demonftrationis gratia præmitto nonnulla, pofita extrà omnem difputationem.

1. *Oculus nil videt fine lumine.*
2. *Videns, qui intendat aciem oculorum in tenebras, putat, fe videre nigredinem fummam; nam umbræ femper nigrefcunt.*
3. *Oculus non poteft vno intuitu videre emnes partes fupficieî corporis opaci.*
4. *Oculus poteft videre vno intuitu fupficieî totam, totamque profunditatem corporis diaphani.*

Hifce

Hisce suppositis sic argumentor. Si canalis fistulæ vitreæ sit vacuus non solum ab omni corpore, sed & ab omni lumine non posset per primam propositionem videri, nisi eo modo, quo videmus tenebras seu umbras: scilicet, per secundam propositionem videremus canalem, velut sit cylinder nigerrimus.

Si canalis fistulæ sit vacuus non solum ab omni corpore, sed & ab omni lumine; is, qui videt fistulam anteriore sui parte, non potest per primam propositionem videre posteriorem, obstante, per secundam propositionem cylindro nigerrimo.

Si canalis fistulæ sit vacuus non solum ab omni corpore, sed & à lumine; videns non potest per propositiones præfatas videre coloratum positum è regione oculi post fistulam, tamen si hæc sit vitrea, seu diaphana, obstante cylindro nigerrimo, perinde ac si corpus opacum impleret canalem fistulæ.

At in fistula vacua nullæ occurrunt tenebræ: nullus visitur cylinder nigerrimus, sed omnia conspicua sunt, & partes fistulæ, & qualiacunque posita post fistulam;

Ergo in spatio vacuo ab omni corpore

fuit lumen, nulli corpori inhærens. Quod

erat demonstrandum ad oculum;

nimirum, adiuncto oculo

mentis, quo carent

equus,

& mulus, quibus

non est intel-

lectus.

Locus sine corpore , quomodo nocet Aristoteli .

HÆc retulerim historicè de hoc præclaro experimen-
to , ex quo obiter intulerim ;

Locus sine locato :

Corpus successivè motum in Vacuo :

Lumen nulli corpori inherens :

quæ tria liber admouere Philosophiæ Aristotelicæ, quatenus cognoscam, utrum consentiant cum communi doctrina Peripatus . Equidem scio, ea dissentire : sentit enim Philosophus ille, Locum sine locato : Corpus successivè motum in vacuo : Lumen existens sine subiecto corpore, esse impossibilia. Quoniam verò hæc demonstrantur ad oculum actu existentia volo obiter inquirere quâ ruinam fabricæ Aristotelicæ tres illæ impossibilitates secum vehant, si amoveantur à structura peripatus . Exordior à loco sine locato, quem censet impossibilem , eo præcipuè argumento, quod is implicet impossibilem penetrationem dimensionum, secundum longitudinem latitudinem, & profunditatem : supponit enim corpora non posse sese penetrare , quæ impenetrabilitas proveniat non à materia non à forma, non à qualitate corporis naturalis, sed à præfatis dimensionibus . Nam Aer, v. g. rarefactus acquirit novam longitudinem latitudinem & profunditatem, nulla facta mutatione circa eius materiam, formam, & pleraque accidentia : & tamen Aer ea-
tenus rarefactus, non potest coerceri intra illud vas, a quo continebatur condensatus ; id vetantibus, non Aeris materia, non forma, non aliis eius accidentibus, sed solis dimensionibus ; quippè quæ solæ efficiant illam impenetrabilitatem .

Hanc

Hanc verò doctrinam peripateticam accommodo fistulæ nostræ occupatæ a mercurio. Hic si inde trudatur, nullo alio corpore succedente, necessariò secundum Stagiritam, secum vehit tres sui dimensiones sibi inhærentes inseparabiliter; ita ut sit impossibile extrema concavæ superficiæ fistularis distare secundum ullam longitudinem, latitudinē, ac profunditatem: quapropter, vel mercurius non poterit extrudi, vel fistula frangetur, aduocato corpore aereo, aut aqueo aut alio opportuniorē. At vidimus in fistula locum sine locato: Quæro igitur.

Utrum longitudo, & profunditas vacui spatii fistularis sint dimensiones reales, ut supponit Aristoteles?

Utrum sint separata a corpore naturali?

Utrum nata sint penetrare dimensiones corporis intro locabilis?

Sin verò non sint reales, cur ab Aristotele urgentur contra vacuum?

Ignorem, SERENISSIME, harum quæstionum solutionem. Vnum est, de quo mihi certò constat

Aristoteles ignoravit molem ter dimensionem, quandoquidem ignoravit, extrema superficiæ corporis locantis posse distare ab invicem sublato omni corpore locato.

Porro is,

qui

ignorat molem ter dimensionem, necessariò coignorat omnia corpora naturalia.

Corpus successiue motum in
 Vacuo quomodo nocet.
 Aristoteli.

Aggredior motum corporis in vacuo quem Stagira censet impossibilem: contrahit tamen suam demonstrationem, vt conijcio ex eius textu ad corpora simplicia, quatenus sunt graua & leuia. Sed præmitto quatuor, quæ a Stagira supponuntur suo argumento. Supponit, motum localem in instanti esse impossibilem; quia implicat idem corpus in vno, & eodem instanti esse in pluribus locis, quod necessario euenit, si corpus moueatur de loco ad locum in instanti.

Supponit secundo. Principi a intrinseca motiua corporum grauium & leuium non habere resistantiam ad actiue mouendum, nec à se, nec à corpore mobili, sed a medio, per quod corpora illa mouentur, cuiusmodi sunt Aër, & Aqua.

Supponit tertio: Nullam esse proportionem inter, ens & nihil, & consequenter aliquod corpus, & nil corporum. Cogita Quaternionem esse duplum Duernionis, & quadruplum vnitatis. At Quaternio ad nil numeri & vnitatis nullam habet proportionem. Non secus Locus qui complectitur corpus locatum, nullam quoad hoc, habet proportionem cum loco vacuo ab omni corpore.

Demum supponit, Medium densius resistere mouenti magis, quam minus densum: ita vt cæteris paribus, ea sit proportio velocitatis ad velocitatem, quæ est densitas ad densitatem: nimirum Graue, descendens per Aërem, mouetur decuplò velocius, quam moueatur per Aquam si àër sit decuplò rarior aqua.

Hisce suppositis facile infert impossibilitatem. Cum

B enim

enim Graui, aut Leui moto localiter nil resistat præter corpus, per quod mouetur si id tollatur, relicto loco vacuo, nil superest quod resistat mouenti; & consequenter, corpus si mouetur per vacuum, necessariò mouetur in instanti: qui motus instantaneus, tam est impossibilis quàm, corpus vllum esse in vno, & eodem instanti in pluribus locis.

At nos vidimus Aèrem & Aquam, præter mercurium moueri successiuè in fistula vitrea vacua ab omni corpore. Quæro igitur. Quid id sit, quòd resistit virtuti contiguanri Mercurium, Aquam, & Aèrem, cum concaua, & vacua superficie fistulæ, ne sursum ageret corpora illa in instanti.

Hæc quæstio non potest solui ex sententia Peripatetica, quæ statuit corpus naturale componi ex materia & forma, à qua forma deriuantur in totum compositum Quantitas continua, nec non Grauitas, & Leuitas, velut instrumenta, seu adminicula actiui motus localis. Nam, v.g. cum Mercurius, cui inest Principium motus ad centrum, mouetur ad supremas partes fistulæ, ad præcauendum, aut supplendum Vacuum, motus ille necessariò est à Principio essentialiter distincto ab eo, quod premit Mercurium ad partes fistulæ infernas: & consequenter cum virtus contiguatiua nata sit mouere omnia corpora tam mixta, quàm simplicia, nulli eorum inest: cui ergo ine-rit, vt sit in aliquo corpore naturali?

Quidam Peripateticorum occurrunt huic obiectioni, tribuendam virtutem contiguatiuam singulis corporibus naturalibus, quatenus, vt virtute continuatiua partes sese naturaliter recolligunt in suam Sphæram, sic virtute contiguatiua singula corpora mundana sese naturaliter complectantur in vnâ molem, per immediatam contiguationem. Huic excusationi obstat nostra fistula, in qua vidimus, Mercurium occupasse infimas partes fistulæ, supernis vacuis ab omni corpore, eo quod virtus con-

tigua-

tiguatione nequiverit vincere totaliter virtutem continuatiam prementem Mercurium ad partes fistulæ infernas. Dissentiunt ergo illæ duæ virtutes motrices, ac pugnant motibus contrariis, ita ut sit impossibile, sint una natura: quapropter dico, Principium movens sursum Mercurium, & aquam, per vacuum fistulæ habere virtutem mottricem limitatam ab Auctore naturæ, unde limitatur velocitas motus, quominus fiat in instanti. Scio tamen obiectionem, quam mea fistula nequit ad oculum submovere. Opponitur, motum Metcurij, & Aquæ, non fieri simpliciter in Vacuo, si quidem corpora illa tangunt concavam superficiem fistulæ, quæ non potest non esse scabrosa, licet nostro tactui imperceptibiliter; concedo, & promitto aliâ Fistulam, ex qua gutta aquæ cadat per medium vacuum intacta concava superficie Fistulæ. Porro brevitatis gratia non urgeo profundius contra Stagiritam hæc corpora successivè mota in Vacuo.

Lumen, nulli corpori inhærens,
quomodo nocet Aristoteli.

DEmum expendo lumen, nulli corpori inhærens. Id verò est vel forma accidentalis vel substantialis. Ut sit, duo hinc consequuntur inimicissima Peripatui. Vnum est: Corpus lucidum actiue producens lumen ex nihilo.

Alterum: Forma sensibilis separata à materia.

Lucens, productivum luminis ex nihilo, tollit necessitatem materiæ primæ in ordine ad generationem, & subiecti in ordine ad alterationem, seu productionem.

Ergo non datur materia prima Aristotelica. Lumen,

nulli corpori inhaerens, asserit sui existentiam, independentem a subiecto, in quo recipiatur. Ergo aliqua forma sensibilis stat sine subiecto.

Has Conclusiones infero ex nostra Fistula, siue lumen in Vacuo sit forma accidentalis, siue substantialis:

Has Conclusiones infero ex nostra Fistula, siue lumen in Vacuo sit forma accidentalis, siue substantialis.

Sit essentialis. Ergo corpus lucens est productiuum formæ essentialis ex nulla materia, aut subiecto, quomolibet nuncupato.

Sit accidentalis. Ergo forma accidentalis accedit, licet nullum existat subiectum essentialis, cui accedat.

Fortassis Lumen in Vacuo est forma entitatis exilioris forma substantiali, tamen si nullum sit subiectum, cui accedat.

Sit. Ergo forma non substantialis subsistit sine subiecto. Opponent nonnulli hisce consequentiis hanc propositionem, velut certam ex fide.

Solus Deus potest producere Ens aliquod ex nihilo.

Nego, fidem Christianam inuoluere illam assertionem cuius loco fortassis cogitabant hanc;

Solus Deus potest creare.

At creare inuoluit ultra productionem ex nihilo, independentiam a causa superiore, quæ negatur de Agente naturali,

Hæc paucis exposuerim TVÆ REGIÆ MAIESTATI, multis quæ alioquin dicenda erant, reiectis in meam Philosophiam; sufficiunt autem quæ dixi, ut intelligas, lapides de structura Peripatus, quos secum rapiunt.

Locum sine locato:

Corpus motum successinè in Vacuo, &

Lumen visum in Vacuo

esse prægrandes, esse fundamentales, esse angulares. Putasne istis Demonstrationibus Ocularibus 101 fractum Phisicam Aristotelis, illisam Fistulæ vitreæ?

DISPUTATIO

THEOLOGORVM

VARSAVIENSIVM

Contra Vacuum ex nostra

Fistula illatum.

HÆc scribebam Varſaviæ die 12. Iulii, Anni 1647. quæ dum exhibentur Sereniſſimis Principibus. REGI ac REGINÆ, ſpectaculo iucundiſſimo, inde erupit fama huiuscemodi miraculi in natura, quæ excitauit multorum ingenia ad contradicendum: quapropter REX Sereniſſimus præcepit ſibi adeſſe ex omnibus Ordinibus Regularibus Theologum vnum, aut alterum, qui die 18. prædicti menſis coram ſpectarent experimenta meæ fiſtulæ, oppoſituri id corporis, quod ex eorum ſententia occuparet partem fiſtulæ, quam ego exiſtimabam planè vacuum: Conuenimus ergo: & iuſſus a REGÈ proloqui, dixi, me vehementer ſuaderi quoddam experimento ſenſibili, quod locus ſine locato ſit poſſibilis ipſi naturæ, ſed vereri, ne ſubſit error: quapropter me plurimum debere Clementiſſimo ac Sapientiſſimo Mæcenati, quod ea conuocatione fecerit mihi oportunitatem percipiendi ex ore eorum, quid ſentiant, viſo prius, ac probè conſiderato experimento.

Impleui ergo meam fiſtulam mercurio, & exhibui illis integrum ſpectaculum, ſuprà luculenter expoſitum: nec tamè ſinguli dixerẽ ſententiam, veriti fortaiſſis moleſtiam, quæ SERENIſIMI PRINCIPES afficerentur ex-

longiore cōquisitione veritatis. Quatuor fuere, qui diserte probare nitebantur, eam fistulæ partem, quæ mihi videbatur vacua, esse occupatam ab aliquo corpore: Fuit, qui diceret corpus illud esse Aërem: Alii dixere, esse vaporem exhalatum à mercurio: nonnullus addebat vapores contributos ab aqua, velut fuerit alterata à mercurio.

His opposui motum aquæ vehementem, quo pars illa fistulæ, quam dicebant repletam aëre, aut vapore, implebatur; concederent ergo aut Vacuum, aut corporum penetrationem. Neutrum concessere. Ego verò institi, ac petii, dicerent causam, ob quam tanto impetu aquæ ascenderent vsque ad summitatem fistulæ, si non inest illi locus sine locato. Fuit, qui assereret, mercurium, defluentem ex fistula in aquas, premere illas vehementissimè: quæ eatenus lacescitæ, & penè versæ in furorem, resiliunt sursum per fistulam eo impetu, qui cogat vapores, velut versos fugam tentare, ac obtinere euasione per orificium infernum aquis immersum.

Porro nil horum, me, credentem fistulæ partē illam esse vacuam, commouerat: erupit tamen ex multa concertatione vnum argumentum, quod mihi visum est idoneum turbando iudicio etiam illorum, qui non sunt præoccupati sententia Aristotelis, nec iurati defensores doctrinæ Principis propriæ Scholæ. Id est, Dum mercurius, qui occupat penè medietatem fistulæ iuit præceps in aquas, hæce necessariò assurgunt magna velocitate, non tamen impleturæ illam fistulæ partem, quam ego aio esse vacuam, sed occupaturæ locum duntaxat, quem deserit mercurius, ne detur vacuum: quoniam verò natura prohibet vacuum ingenti conatu, aquæ, sursum motæ, pellunt ipsum mercuriū vsque ad fistulæ summitatem, & tandem tota fistula repletur aquis, extrusis aut aëre, aut vapore per orificium infernum immersum aquis. Hoc argumentum exceptum est non sine plausu. Ego verò, qui vole-

volebam argumentari ex sola fistula, ostendi ad oculum, fistulam altero orificio obturatam, & perpendiculariter erectam, si vi, aut celeritate ingenti mergatur aquis, nil aquarum, aëre extruso, admittere, nec posse extrudi aërem, aut vaporem, quin in conspicuas bullas, salientes ex profunditate aquarum, fatiscerent, quarum nulla cernitur in descensu mercurii. Hæc dixi: verum cum nil proficerem, existimaui, improbabilitatem multarum assertionum, quibus ibat sublatum vacuum, à mea fistula illarum, confirmare ipsam efficacissimè.

Vbi verò, actis humilimè gratiis Serenissimis REGI ac REGINÆ, quod fuerint dignari coram spectare hæc experimenta, & audire singulorum placita, concessi ad meum Musæum, adhibui fistulam nouo experimento, quodpote sit, non quidem imperare silentium contradicenti, sed extorquere consensum à viro perspicaci non præoccupato. Impleui fistulā Mercurio, immersam eidem mercurio, & deobturato inferno orificio, stetit in fistula vna pars Mercurii, reliqua defluente in vas subiectum. Notavi filo circumducto locum fistulæ summum, quem attingeret mercurius: deinde obturavi orificium fistulæ, antequam eam eleuarem à mercurio, & inuersa fistula mercurius delapsus est ad partem extremam, sigillo Hermetis obsignaram, carnibus digiti, obturantis oppositum orificium, non sine molestia intrā fistulam actis, quatenus tantilla caro suppleret particulam vacui relictæ: quo argumento euidentissimè infertur Vacuum. Fistula ergo, ut dixi inuersa, & erecta, ac reserato eius orificio hiantē sursum versus, repleui reliquam partem fistulæ media ex parte aquis, reliqua aëre, ita ut nil esset vacui in eius canali. Hisce catenus dispositis, inuersa, & erecta fistula, digito obturata, merxi eius orificium aquis, obseruaturus, an deobturato orificio, dū mercurius ruit præceps, aquæ sursum vibrentur imperu pari, illi, quo vibrantur, cum fistula, meo iudicio, altera sui parte censeretur vacua. Factum

est: vix tamen aquæ sursum vibratæ, exceſſerunt locum ſignatum ſilo: immotis aqua, & aëre occupantibus ſuperiores partes fiſtulæ: nullis bullis à ſuperficie aquatum faſciſcentibus in aërem. Hoc ipſum accidit, reſetato orificio fiſtulæ in aëre libeto: cernuntur tamen bullæ in aqua, ut fieri ſolet infuſo quouis liquore.

Quapropter cauſa motus vehementioris mercurij, aquæ & aëris ſurſum per canaleſi fiſtulæ, qui non contingit, fiſtula repleta aqua, aut aëre, neceſſariò fit à principio ſatagente, non ſolum ſufficere corpus in locum labentis mercurij, ſed & replere partem fiſtulæ ſuperiorem vacuam ab omni corpore.

Poteſt hoc experimentum inſtitui triginta modis, combinando mercurium, aquam, aërem, infundenda fiſtulæ, & fiſtulam mergendam mercurio, aquis, & aëri: quos modos conſideraui omnes, ex quibus nil contra, ſed omnia ſtant pro naturali poſſibilitate Vacui: ſi addas hiſce combinatis longitudinem, & latitudinem fiſtulæ, cernes oculis tuis argumentum, pro poſſibilitate Vacui, in detrectabile viro non inſipienti. Mercurius, erectus à ſuperficie mercurij, ſtat in fiſtula, cuiuſcuſque magnitudinis, altus quinque partes quartas vlnæ Varſavienſis: ſcilicet, altitudo hæc non pendet à varia copia, & vario motu aut mercurij æſtuantis vapores, aut aëris ſubeuntis canaleſi fiſtulæ.

Corpus quæ eſt moles ter dimenſa, eſt mobile localiter, & quæ eiſmodi, non eſt motuum localiter: & conſequenter mouens localiter, quæ eiſmodi non eſt corpus, ſed ſpiritus, intra cuius Sphæræ actiuitatis ſtant, ac mouentur corpora, quæ non poſſunt vllum ſpatium terminare, quod ſit vacuum ab hac actiuitate: At verò eiſcemodi Sphæra actiuitatis ſtat ſine corpore. Porro hæc reſero ſuis locis in meam Philoſophiam. Cuncta ſubiecta ſunt cenſuræ Eccleſiaſticae, & iudicio doctiorum.

Fiſtula habetur venalis apud Gaſparum Brunorium fabricum vitrearium, in horto Regio Varſavienſi.

ALTE

Altera Pars
DEMONSTRATIONIS
O C V L A R I S.

De Possibilitate Vacui,

Auctore eodem

V A L E R I A N O M A G N O
F R A T R E C A P V C C I N O.

Valeriano Viro Philosopho
salutem.

FEci iuris publici opellam, de Possibilitate Vacui demonstrati non tam ratione, quam experimento fistulæ vitræ longæ ultra duos cubitos, plenæ Mercurio; quem natura prohibitiua Vacui, nequit suspendere totum, sed quinque quartas circiter partes vñq̃ Varsaviensis, reliqua parte fistulæ vacua ab omni corpore. Serenissimis verò REGI, ac REGINÆ Poloniæ spectantibus id miraculi in natura, ptomisi alteram partem spectaculi huius, scilicet, Fistulam longam viginti circiter cubitos, plenam aqua, quam nequeat eadem natura, prohibitiua vacui, suspendere totam. Equidem id præstiti, haud tamen Serenissimis PRINCIPIBVS spectantibus: spectaturis autem, vbi redierint à venatione. Interca verò totius rei rationem, & successum tibi, amanti sapientiam; scilicet, tibi Philosopho expono, quatenus tuo iudicio

cio censeas de rei veritate: Sed facti historiam præmitto.

Paraui Fistulam metallicam, longam, vt dixi, cubitos Variatuienses viginti, latam digitum vnum circiter; cuius orificium vnum accuratè clauditur glutine metallico. Fistulam hanc repleui aqua communi, &, diligentissimè obturato altero orificio, illam erexi perpendicularem plano orizontis pendulam ab illa extremitate, quam obfirmaram, vt dixi, glutine metallico, altera inuersa aquis, quarum quantitas fuerat mihi præcisè nota. Rebus ergò ità compositis, deobturai orificium infernum, dum mergeretur aquis, reddiditque fistula vltra duos cubitos aquarum, reliquis stantibus in fistula, nimirum suspensis contra gravitatem aquæ, à natura prohibitiua vacui. Hisce peractis, examinaui accuratiùs proportionem gravitatis Mercurij ad gravitatem aquæ, & deprehendi Mercurium eiusdem molis cum aqua, esse circiter terdecies grauiorem illa. Quoniam verò cylinder aquæ, suspensus in fistula, habet in longitudine vlnas infra octodecim: cylinder verò Mercurij stantis in fistula longus est supra vlnam vnam, deprehendi cylindrum aquæ esse terdecies longiorem cylindro Mercurij permutata proportione gravitatum Mercurii & aquæ. Talis est facti historia.

Rogo igitur dignitatem tuam Philosophicam, quatenus accuratè expendas vtramque partem Demonstrationis Ocularis de Possibilitate Vacui. Si de veritate facti hæsitas, neque sis longè dissitus à me, exhibebo, quoties licuerit, tibi videnti ac palpanti relata experimenta. Sin verò absis: haud difficulter poteris, satis instructus me is Tractatibus, hoc perficere tuis manibus, quod enarro, me fecisse. Pono igitur, te credere mihi, motus aeris, aquæ, & Mercurii in fistula, & è fistula, eos esse, quos retuli, nec tamē cōcedas supremas partes fistularum illarum esse vacuas ab omni corpore. Quapropter peto abs te nomen corporis illius, quod occupat supremas partes fistularum,

Pe.

Peto insuper, nomines viam illam, per quam corpus illud eò penetrauit. Sed antequam satisfacias quæsitis, concesserim per modum doctrinæ, partes illas esse occupatas ab aliquo corpore. Quæro, cur ex fistulis non defluit tota aqua, totusque Mercurius, prout suo pte pondere naturaliter defluerent, si quidem, aliqua parte defluente, succedunt alia corpora sine vilo periculo vacui? Quæro, cur existentibus fistulis quantumcunque longioribus, & latioribus (quod ego sapissimè probaui) cylinder Mercuriis, cylinderque aquæ immutatam seruant altitudinem in fistula? Quæro, cur longitudo cylindri aquei est præcise totupla ad longitudinem cylindri mercurialis, quorupla est grauitas Mercurii, data paritate molis, ad grauitatem aquæ: ita vt cylinder aqueus, & cylinder mercurialis, successiuè stantes in eadem fistula, sint æquales in grauitate, licet inæquales in longitudine? Quæro, cur aer, aqua, & Mercurius subeunt tam euidenter, tantoque impetu ad supremas partes fistulæ, si partes illæ sunt repletæ corpore, leuiore aqua, & Mercurio?

Fortassis respondes, corpora hæc ascendere non repletura vacuum præexistens, sed opplerura spatia relicta ab aqua, aut Mercurio effluentibus. Ego verò insto: Cur Fistula, superiore sui parte repleta aqua, aut aere, & inferiore repleta mercurio, eò effluente, nil aquæ, aut Mercurii refluit ad partes superiores, repletas, vt præfertur aere, aut aqua, sed dumtaxat assurgunt vsque ad illam partem fistulæ, quæ occupabatur à Mercurio effluente? Sed concesserim secundò, per modum doctrinæ, partes supremas fistulæ fuisse repletas aut aere, aut subtilissimo vapore, exhalato à Mercurio: Quæro, quâ via aer, aut subtilissimus ille vapor celsit locum assurgentibus aquis, & Mercurio ponderosissimo? Quæro insuper cuius finis gratia, si nullum sit Vacuum in Fistula, Mercurius grauis, omnium liquidorum, tanto impetu salit sursum, agitque deorsum vaporem, aut aerem leuissimum? Ego

nol-



nullam horum miraculorum necessitatem deprehendo, quàm quæ opituletur negantibus Vacuum. Has quæstiones viderim concessio per modum doctrine, corpore occupantes supremas partes fistularum.

At nego, defluentibus ex fistulis aqua, & Mercurio, succedere corpus aliud: quapropter tibi incumbit, mihi nominare & corpus & viam, qua itrepat. Quod illud? quæ illa? fortassis respondes: Illud est aer, vel vapor a Mercurio: Via si sit aer, sunt pori vitri, vel infernum orificium fistulæ: Si sint vapores, ij exhalantur a Mercurio summè volatili secundum omnes chymicos. Porro quod pars suprema fistulæ sit repleta aliquo huiusmodi corpore, euidenter demonstratur per rarefactionem, & condensationem conspicuam ex motu Mercurij stantis in fistula depressi, fistula calefacta: & elatis, frigefacta. Hæc Tu. Ego verò non acquiesco hiscè assertis, & argumentis. Si aer subintrat quoquomodo superiorem partem fistulæ, relictam a Mercurio, cur quantitas aeris penetrantis semper est eadem, Mercurio defluente: & defluente aqua, longè minor, semperque eadem fistula quantumvis longior, & letiore? Quæritur insuper, quâ vi, clam me accuratius inspiciente, aer subintrauit fundum aquæ, & Mercurii, vt per orificium infernum penetraret ad summitatem fistulæ? Cur, defluente aqua, & Mercurio per fistulas, euocatur per poros illarum, aer ambiens frigidissimus, necum non calidus, nunquam eatenus admissus in vllis aliis experimentis? Venio ad exhalationem à Mercurio, quasi sit corpus, facillimè fatiscens in vapores: cui oppono experimentum hoc. In fistula vitrea, erecta super plano orientis, præcipitanti Mercurium, aquam & cereuisiam, expecturus, imò oculis visurus, quotam partem fistulæ occuparent aer, aut vapores elati, aut exhalati a præfatis liquoribus, & animaduerti, è cereuisia saluisse tot, qui occuparent quinam partem: ab aqua trigesimam, à Mercurio ducentessimam circiter eiusdem fistulæ: ita vt trium liquo.

liqnorum mercurius minimè omnium expiret aerem: exspiraret tamen copiosissimum ad motus igni, Argumentum verò à condensatione, & rarefactione ducitur ab experimento, non accuratè instituto, ac factò. Concedo, aliquid aeris penetrare ad partem supremam fistulæ, quod calore rareseat, & frigore densetur, si fistula minus cautè tractetur. Ego verò sepiùs expertus sum, nil aeris, stante Mercurio, salisse ad partem fistulæ vacuam: non enim vel minima portio aeris sursum agitur per cylindrum Mercurii, non conspicua intuenti in quo casu nil est, quod aut rareseat, aut densetur, prout sæpius expertus sum.

Tu ergo, mi Philosophè, pro tua dignitate velim accuratè perpendas, à me motas quæstiones, & pro tuo acumine solvas: quibus adiungo paucas, quæ obliquè dumtaxat, spectant quæstionem de Possibilitate Vacui. Quæro, cur conceduntur tot improbabilia, & penè euidenter impossibilia, ut vna Ocularis Demonstratio de Possibilitate Vacui obscuretur? Vtrum id omne, quod possibile est sciri, sciatur: ita, ut studium noscendæ veritatis occultæ vertendum sit temeritati, Vtrum, secundum Aristotelem, & rei veritatem, is, qui in Philosophia nititur auctoritate Magistris, sciat, an opinetur? Vtrum scientia etiam secundum Aristotelem, possit haberi sine cognitione causarum? Vtrum Aristoteles secundum fidem Christianam habuerit scientiam de Natura fueritque verus Philosophus, si quidem negauit Deum esse causam efficientem totius Naturæ? Vtrum Philosophia sit intellectio Ideæ, in quam Deus respicit, creans & mouens Naturam vniuersam in suos fines? Vtrum non sit erioneum, hanc Ideam extorquere a textu ignorantis causam efficientem totius Naturæ? Vtrum secundum fidem Christianam conditionemque naturæ rationalis, liceat, vestigare Ideam illam ex naturis creatis, immediatè consideratis sub radio Lucis mentium?

Ego in

Ego in quæstionibus de Doctrina Fidei comunico cum
 Urbis Episcopo , nullo argumento potiore commotus ,
 quam quod Cæterus communicantium cum illo, solus ex
 omnibus, à Christo passo, fulgeat hominibus, mundo
 conspicuis vitæ sanctitate, & miraculis : nec tamen ap-
 primè vellem, quirem secus iudicare . In reliquis vent-
 ror auctoritatem multorum Philosophorum, nullius ta-
 men eousque, ut velim dumtaxat credere illis . Volo sci-
 re : scilicet, rem per causam cognoscere : neque de spero
 me ipsum. Illi qui conscii virium propriæ mentis, malunt
 perennare in schola, sub auctoritate Magistri, me quo-
 que auctore, non excedant discipulatum. Hi tamen haud
 congruunt docendis, & reuocandis à libertate ad eam
 disciplinam illis, quorum non est eadem ingenii condi-
 tio. D. Paulus sapientiam loquebatur inter perfectos,
 quandoquidem placuit Deo per stultitiam prædicationis
 saluos facere credentes, eo, quod in sapientia Dei mun-
 dus Deum non cognouisset: nec tamen sapientia Dei ob-
 stat fidei, quam Doctor gentium tradebat paucis, & per-
 fectioribus ex Christianis. Qui à sapientia Dei, quam nos
 nuncupamus Philosophiam, timent fidei Chri-
 stianæ oppositionem aliquam, credunt
 subobscurè. Hæc scribebam
 Varſauiz anno 1647. die
 12. Septem-
 bris.

VALERIANI MAGNI

Fratis Capuccini

RESPONSIO

Ad Peripateticum Cracouienſem.

Vulgatur Libellus ſub Titulo Peripatētiſi Cracouienſis, quem approbavit Magnificus & Admodum Reuerendus Iacobus Vitellius Academiae Cracouienſis Rector, Ille argumentatur contra meam Demonſtrationem Ocularem de Poſſibilitate Vacui: Hic Patronos illius ſententiæ denominat (ſunt eius verba) *Novatores, planam, & ſanam doctrinam Ariſtoteliſ, ac receptam ab Eccleſia Catholica, conſuellentes, & opinionibus nouis viam ſectis innumeris ſternentes, vel certitudinem ſciendi tollentes, &c.* Vtrique ſatisfaccio.

Peripateticus Cracouienſis inferit fallaciæ Demonſtrationis Ocularis, tam in Geometricis, quàm in Phyſicis, abſtrahendo à mea, quam exhibui de Vacuo. Huic concedo totum. Sub finem verò libelli me committit cum Antonio Maria Fratte Capuccino, viro erudito, & mihi amiciffimo, argumētante pro impoſſibilitate Vacui. Huic non reſpondeo, quòd nil habeat contra experimenta à me exhibita. Sed cur non directè ad fiſtulam? quam demonſtro immunem ab erroribus quos noſter Peripateticus tantopere pertimeſcit. Fateor, aerem in fiſtula vitrea nullum exhibere colorem, & conſequenter Hominem ex non viſione corporis non poſſe inferre Vacuum, quam oppoſitionem præueni in meo libello hiſce verbis: *Quod*

grat

erat demonstrandum ad oculum: nimirum, adiuncto oculo mentis. Nunc textum debuit Peripateticus accuratè perpendere.

Fateor (*inquam*) Vacuum non esse visibile oculo corporali: at visibile est oculo mentis Homini illius, qui oculo corporis intuetur meam fistulam. Id, cum multipliciter possim demonstrare, ostendo hoc unico modo.

Datur fistula longa ultra quinque quartas partes vlnæ Varfauiensis, & secundum artem exonerata illa parte Mercurii, quam Natura prohibitiua Vacui nequit suspendere, aio, partem fistulæ superiorem esse vacuum ab omni corpore: Peripateticus Cracouiensis negat, Quis dirimat hanc quæstionem? Ratio, adhibitis oculis. Rationem adhibeo hoc modo. Si penetratio corporum sit impossibilis naturæ, & fistula obturato orificio inuertatur quantumcumque celeriter, ita vt pars, quæ fuerit infima, sit suprema, necessariò, si præter Mercurium, contineat aliud quodcumque corpus, mercurius occupans superiorem partem fistulæ, non penetrabit corpus infernum, sed stabit super illud dum id sensim ascendit per Mercurium ad partem fistulæ supremam. Sin verò pars illa vacet ab omni corpore, Mercurius, inuersa fistula, necessario ruit præceps ad partem inferiorem; scilicet nullo corpore præpeditus, visiturque Vacuum in parte suprema. Hanc rationem video oculo mentali, quam videt & vniuersus Peripatus: si quidem penetratio corporum est Aristotelij multò difficilior Vacuo.

Huic rationi adhibeo oculum; scilicet, acceptam realem fistulam vitream, cuius pars superior à me ponitur vacua, inuerto, & eodem penè momento video oculis partem supremam fistulæ vacuum à Mercurio qui illo ipsius momento cernitur occupare infimam, scilicet à nullo corpore præpeditus. Deinde acceptam eandem fistulam, cuius superior pars sit vacua, inuerto, & deobturo orificio aerem admitto, quo suppletam iterum inuerto, in
cuius

cuius suprema parte visitur Mercurius merus, ac purus; stans super aerem occupantem infimam, & sensim ascendentem per Mercurium ad supremam. Demum acceptam fistulam, cuius superior pars sit vacua, exonerò aliqua parte Mercurii, quam aere volo suppleri, & postmodum, obturato orificio eam inuerto: quo momento visitur in suprema parte fistulæ residua pars Vacui, sub quo visitur & Mercurius. & sub Mercurio admissa portio aeris, sensim, ut dictum est, ascendentis per Mercurium. Hi ergo motus visi in fistula, si subsumatur præfata rationi incommutabili de naturali impenetrabilitate corporum, inferunt existentiam Vacui. Ergo mea Demonstratio Ocularis, insistens rationi æternæ, est immunis ab erroribus, qui alioquin possunt irrepere a fallacia oculorum corporalium.

Quoniam verò in dato Vacuo est lumen, quod patet ad oculum, quæritur, ut in Vacuo producitur, utuè subsistit? sanè Aristoteles non patitur productionem formæ sensibilis, nisi ex materia prima, si forma sit essentialis: vel ex subiecto corpore naturali, si forma sit accidentalis: qua propter nec corpus illuminans vitrum, nec vitrum illuminatum possunt extendere proprium lumen in spatium vacuum, maximè cum forma, quæ non potest deferere subiectum, cui inhæret, & transire in aliud, multo minus possit relicto proprio subiecto, cui inhærebat, subsistere separata. Dicendum igitur, quod lumen in Vacuo est productum, vel a primo lucente, vel a vitro patiter lucente, ex nullo subiecto, quoduè lucens sit suapte natura fecunda productuum luminis, subsistentis sine subiecto cum essentiali dependentia a lucente. Hiscè porro concessis, ruit vniuersa Philosophia Stagiritica. Nam si lucens potest producere lumen ex nihilo subiecti, aut materiæ, multo magis potuit, potestque Deus creare mundum ex nihilo subiecti, aut materiæ. Hinc cadit æternitas motus, & temporis, & præcipua pars Metaphysicæ Aristotelis.

lis . Formæ verò cùm non educantur de sterili potentia materiæ, aut subiecti, sed productæ è natura fœcunda inducantur in materiam , seu in subiectum , subuertunt & eius Physicam : quasi doctrina Stagiritica , detrita longo vsu tot sæculorum , exolescat tandem , & absumatur .

Equidem prudens perpendo , quæ consecutura essent occasum Peripatus & nonnulla animaduerto non mala , tametsi horrenda . Ignorasse est plurimis malum horrendum : Nonnullis ex generosa indole duriusculum est , quod aliussciat . Hæc duo si seponantur , reliquæ sequelæ, ex casu Stagiritæ, conciliant Deo cultum, humano generi lumen veritatis, & Ecclesiæ Catholicæ laudem partæ veræ Philosophiæ . Sanè me puderet nostri, si non Christianus, aut non Catholicus cogeret nos vi mentis, & vi veritatis abiurare Aristotelem, & inire nouum discipulatum sub magistro non Christiano, aut non Catholico . Numero annos quadraginta à primo meo conatu contra Aristotelem, non pruritum nouandi vetera , sed cognoscendi Creatorem meum, quem lumine rationis cernebam, at inuolutum tenebris palpabilibus quas mihi, licet oculatius perspicienti, offundebar auctoritas Aristotelis, nimium commendata , ac venerata . Verùm mihi inuocanti gratiam Spiritus S. & placita sapientium , & contribuenti tantillum operæ meæ ad facinus tam Sanctum , tamue præclarum , id accidit , quod non credidissem , Seposita Italia , ac Germania , concessi in Poloniam, ratus, libertatem Sarmaticam , & indolem Polonicam excussura iugum Stagiriticum , cum intellexerit erroneum . Sed impingo in difficultatem aliquam : quæ ea sit, dicam . Nil in Philosophicis actitatur frequentius , quàm disputare in vtramque partem contradictionis , non solum illa, quæ aliena sunt a mète Aristotelis, sed & a fide . Quæritur passim, an sit Deus? & proferuntur ea argumenta contra Diuinam existentiam , quæ videntur esse validissima:

diffima: hac enim pugna veritas impetita, illucescit perti-
nacius. Ego verò adducto vnico experimento pro Possi-
bilitate Vacui, non possum extorquere respōsionem ami-
cam, sed execrationem publicam. Heu, quam fallimur in
nostris cogitationibus! Existimabam me iri accersitum
ab illis, quorum interest, quatenus me audirent coram
de verbo hoc, & expenderēt pondera, imò momenta ra-
tionum, ex quibus pendula sit vniuersa Philosophia Ari-
stotelis: Non enim Iagello Rex Poloniae instituit septem
Cathedras docendæ Philosophiæ Aristotelicæ, siue ea
deprehendatur vera, siue falsa. Si pugnae scolasticorum
sint inquisitiuæ veritatis, non detrectarent illa argumen-
ta, quæ euertūt Thesim. Quis est inter Academicos (cū
sit mos omnium Academiæ) cui non liceat argumen-
tari contra Vacuum? nemo omnium: At cur non licuit Va-
leriano? Fortassis, quia suo argumēto euertit impossibili-
tatem Vacui. Hęc sufficiant Peripatetico Cracouiensi.

Id porro, quod concernit supra expositam Approba-
tionem, reduco ad duo puncta: Cum primis dico, nume-
rari inter viruperatos Nouatores, & sectarios Valerianū
Fratrē Capuccinum: Adm. Reuerend. P. Merfenum Ord.
Minimorū Theologum: D. de Roberual Mathem: Scient.
in Collegio Regio Franciæ Professore: D. de Paschal
præcipuæ nobilitatis virum: D. Euang. Turriceium Ma-
gni Duc. Ætruriæ Math. Scientiarum Professore pri-
mariū, viros clariss. Ego Valerianus existimo, candorē
meæ doctrinæ non posse denigrari illa censura. Reliquo-
rum vnusquisque viderit, quomodo consula t suæ famæ.

Secundum punctum exponit, quomodo Philosophia
Aristotelis sit recepta ab Ecclesia Catholica. Dico igitur,
à nato Christo vsque ad annum circiter 1164. in quē
incidit mors Petri Lombardi Magistri Sententiarum,
auctoritatem Aristotelis nunquam fuisse adhibitam in:
Theologicis, & obscurē vsurpatā in Philosophicis. Apud
Magistrum Sententiarum nullus allegatur Philosophus

argumenta petuntur a sacro textu, à Patribus, à Conciliis, à ratione suo præ iudicio inducta: multò minus Aristoteles legitur allegatus a Dionysio Areopagita, qui ante Magistrum Sententiarum prælegebatur studiosis Theologiæ. Sic actitatum est in Ecclesia totis 1164. annis. In Philosophicis verò Plato est adhibitus prælatus Aristoteli, Circa quod tempus Auerroes; cognomento Commētator, scilicet Aristotelis, erexit Philosopho illi Cathedram in Hispania, ex qua propagatus est Peripatus per totam Europam, id ægeritè ferentibus Romanis Pontificibus: vnde factum; quod in Concilio Lateranen. secundo sub Leone X. publicatum sit hoc Decretum, A.D. 1513. 19 Decemb.

Cumque verum vero minimè contradicat, omnem assertionem, veritati illuminata fidei contrariam omnino falsam esse definimus, & ut aliter dogmatizare non liceat, districtius inhibemus, omnesque huiusmodi assertionibus inhaerentes, tanquam hæreticos vitandos & puniendos fore decernimus. Insuper, omnibus & singulis Philosophis in Vniuersitatibus studiorum generalium, & alibi publicè legentibus, districtè precipimus, ut cum Philosophorum principia, aut Conclusiones, in quibus a recta fide deuiare noscuntur, auditoribus suis legerint, seu explicauerint, quale hoc de immortalitate animæ, aut unitate, & mundi æternitate, ac alia huiusmodi, teneantur eisdem veritatem religionis Christianæ omni conatu manifestam facere, & persuadendo pro posse docere, ac omni studio huiusmodi Philosophorum argumenta, cum omnia solubilia existant, pro viribus excludere, atque resolvere. Hæc verò sufficiant.

De

DE VACVO³¹

Narratio AE.ⁱ P.ⁱ de Roberual,
Ad Nob: Virum D.
des Noyers.

DE Vacuo, quod in rerum natura facile dari per multi autumant, adducto ad id comprobandum, nobili experimento hydrargyri tubo inclusi, modo, qui iam omnibus satis notus est: Ignoscat mihi R. P. Capuccinus Valerianus Magnus, si dixero, illum parum candidè egisse in eo libello, quem de hac re in lucem nuperrimè emisit mense Iulio huius A. 1647. dum celeberrimi huiusce experimenti, ille primus author haberi voluit. Quod certo constat iam ab A. 1643. in Italia vulgatum fuisse, ac ibidem, præcipuè verò Romæ, atquæ Florentiæ, celeberrimas inter eruditos de ea re viguisse controuersias, quas non potuit ignorare Valerianus, qui circa eadem tempora illis in Regionibus degebat, & cum doctis illis conuersabatur. Habeo ego Epistolam, quam clariss. Vir Euang. Turricellius Magni Ducis Hetruriæ Mathematicus, misit Romam ad amicum suum doctiss. Virum Angelum Ricci sub finem Anni 1643. Italicè scriptam: quæ nihil aliud continet quam controuersiam inter duos illos viros egregios, qui, quod & ferè omnibus accidit, de tali experimento diuersa sentiebant. Ea autem Epistola, cum quibusdam aliis ab ipso Ricci missa est Parisios ad R. P. Mersennū Ordinis Minimorum, sub initum Anni 1644. qui eo ipso anno Romam profectus est, ubi & Valerianum ægrotantem tunc inuilit, & cum eo quædam nostrorum opera recens edita, communicauit. Sed & in eadem Epistola ex discursu apparet, mi-

nimè nouum tunc fuisse illis experimentum, sed iam multoties repetitum. Tentarum quidem illud fuit ab ipso Merfeno statim post acceptam Toricelli de ea re Epistolam: verùm defectu Vbi ad id satis apti, nihil tunc fieri potuit; ac non multo post ipse in Italiam profectus est: atque obiter Florantiæ apud Toricellum vasa, & tubos prædictos vidit, & contrectauit. Idem autem reuersus sub finem A. 1645. rem omnem vulgauit: neque tamen eo Anno, aut sequenti tubos aptos Parisiis recuperare potuit; tum quia ibi tales non fabricantur; tum etiam quia ipse toto fermè eo tempore per meridionales Regni Gallici partes peregrinatus est. Tandem ergo idem scripsit Rothomagum ad Amicos suos: ibi enim celeberrima habetur vitri, & Crystalli officina. Sed antequam is inde tubos habere, vulgatum fuerat & ibidem experimentum, ac plurimis modis cum priuatim coram Amicis, tum publicè coram omnibus Eruditis multoties exhibitum a Nobiliss. Viro Domino de Paschal, mense Ianuario, & Februario huius anni: neque id solum beneficio hydrargyri in tubis minoribus, puta 3.4 aut 5. pedum regionum mensuræ nostræ: sed, quod mirandum multis videatur, benefici o aquæ, & vini in tubis 40. pedum; ex crystallo mira arte fabricatis, atque ad malum Nauis alligatis, quod Machinis ad id paratis, ita libratum erat, vt & attolli, & de primi ad vsu requisitum, facile posset. Et quidem occasio, cur ad tantam altitudinem recurreret, talis fuit.

Cùm viderent omnes hydrargyrum merum, nulla aqua adhibita, nec in tubo, nec in scutella subiecta, ita in tubo descendere, relicto superiori spatio tubi veluti vacuo, vt tamen semper occuparet in inferiori parte tubi altitudinem pedum duorum & septem partium viginti quatuor proximè mensuratam secundum perpendiculum supra superficiem hydrargyri in scutella subiecta contenti; quantacunque pars Tubi in scutella immersa es-

sa esset, & quantacunque extaret: illi, vt par est, in re noua, ignotis causis, in diuersas sententias abierunt. Quidā enim merum in tali spatio vacuum relinqui arbitrati. suā sententiam facile defendebant contra aliorum obiectiones, at nullatenus astruebant, deficientibus rationibus, quibus nullum corpus, neque etiam subtilissimum, in tale spatium subingredi conuincerent. Quidam præcipuè Peripatetici, qui magistri sui Aristotelis, non rationibus, quæ nullæ sunt, sed verbis mordicus adhærent, contendebant paruulam quandam, eamque forsan sensu imperceptibilem, aeris guttulam remansisse, quæ postea eousq; rarefieret; vt sic naturæ laboranti opitularetur. At illi parum proficiebant, quia in diuersis tubis latioribus, eadem semper altitudo hydrargyri relinquebatur: Ideoque illa altitudo ad rarefactionem inducendam, & conseruandam, æquales vires semper obtinebat; cū tamen nunc minor, nunc maior fieret rarefactio, ad quam proinde nunc minorem, nunc maiorem hydrargyri vim requiri consentaneum videbatur. Adde, quòd adhibito tubo stricto quidem, se qui in parte superiori dilataretur instar lagenæ, quæ 18. libras hydrargyri contineret, eoque debito modo impleto, atque deposito, vt fit in aliis tubis, relinquebatur tota ista lagena ab hydrargyro vacua, cū parte superiori Tubi, donec illud in inferiori parte, sub altitudinæ prædicta pedum duorum & septem partium viginti quatuor quiesceret: nec quisquam in animum inducere poterat, posse insensibilem aeris guttam, a pondere 2. vnicarum hydrargyri in tubo remanentis, eam trahente, eo adduci, vt in tantum lagenæ spatium rarefieret; videbaturque secundum illam Philosophiam, hydrargyrum potius debuisse altius ascendere ad spatium illud occupandum; præcipuè, quia inclinato sensim tubo, donec altitudo verticis illius, perpendiculariter sumpta, esset pedum 2. & 7. partium 24. *m* aut minor, ille rursus totus hydrargyri replebatur: nihilque omninò sæpissimè,

aut aliquando minimum quid extranei, præter hydrargyrum, intra tubum, aut lagenam animaduertebatur: Quod tamen extraneum, si quod erat, occluso tubo, tum inuerso & rursus recluso, ad os tubi ascendebat; Et infusa noua hydrargyri, guttas fugabatur, vt sic iterando aliquoties, si ita opus esset, merum hydrargyrum apparet; quod tamen, erecto rursus tubo supra scutellam, idem quod prius, saltem ad sensum, spatium veluti vacuum relinquebat: & iterum, inclinato, replebat. Cumque erecto tubo vacuum apparet, si immisso in hydrargyrum scutellæ digito, tubus occluderetur, & inde attolleretur, apparebat semper vacuum, vt prius: at inuerso tubo, cadebat hydrargyrum cum strepitu in undam Tubi; & statim vacuum versus digitum apparebat in superiori parte tubi; Atque ita alternatim, inuerso tubo, ita vt digitus ipsum strictè occludens, nunc in superiori parte existeret, nunc in inferiori; semper apparebat in parte superiori vacuum: idque statim, nulla interposita mora: nec præter hydrargyrum, quicquam intra tubum cernebatur. At antequam Tubus ex scutella extraheretur, si ille sic inclinaretur, vt apex illius ad altitudinē prædictam pedum 2. & 7. partium 24. m. precisè perueniret, nullum adhuc vacuum eo in statu cernebatur, cum tamen sic hydrargyrū totam suam altitudinem obtineret; atque ideo etiam & omnes suas vires exerceret, ad aerem, si quis esset, trahendum ad se & sensibilibiter rarefaciendum. Imò, admissa sponte, in tali inclinationis statu, aeris gutta, (quod facile est) illa ab omnibus, & dum in tubum per hydrargyrum ascenderet, & dū eo superato in summo ipsius nateret, facile cernebatur. Sique eadē satis ampla existeret, inclinato magis, ac magis tubo, magis ac magis cōprimebatur: quippe ad igenium redibat; quia ab hydrargyro minus alto, minus trahebatur, minusque rareficebat. At ē contrariū, dū tubus sensim eleuaretur, fieretque hydrargyrum altius, atque ideo ad trahendum, & rarefaciendum aerem,

aerem, potentius; rùm gutta aeris magis dilatatur: & tunc, erecto ad perpendiculum tubo, hydrargyrum ad prædictam altitudinem non omnino ascendebat. Quoque plus aeris prius admissum erat, dum tubus inclinaretur eò minus hydrargyri in tubo erecto relinquebatur. Neque tamen hac ratione, fieri vnquam potuit, vt aer magis rarefieret, quàm vt octies amplius spatium occuparet, quàm illud quod eidem in libero statu deberetur, Quibus omnibus experimentis colligebatur, guttam insensibilem à prædicta vipedum 2. & 7. partium 24. *m* hydrargyri rarefactam, non potuisse totam lagenam 100000. maiorem replere, neque etiam ab eadem vi minimè mutata, potuisse diuersos rarefactionis gradus, in eandem aeris guttam ad diuersa spatia replenda, immitti: nec proinde talem opinionem stare posse, nisi apud eos, qui non luce veritatis, sed tenebris ignorantiae delectarentur, vt Andabatarum mores, clausis oculis depugnarent.

Præcæteris autem hoc mihi, & multis aliis stupendum visum est, dum Parisiis circa tale experimentum exerceret. Inclinaui Tubum in scutella subiecta, sic vt ipse hydrargyro repletetur, & per os, quod inferius erat intra scutellam, quodque paululum eleuaui vsque ad superficiem hydrargyri in scutella contenti, guttam aeris admisi, & statim idem os rursus in hydrargyrum immerisi, ne plus aeris hauriret, quàm par esset: ascendit ergo gutta aeris intra tubum, per medium hydrargyrum, quousque in summo illius nataret: Tum tubum ad perpendiculum erexi; & vacuum apparuit more solito. hinc supposito digito intra scutellæ hydrargyrum, os tubi occlusi, & tubum, vna cum hydrargyro, aere, & vacuo abstuli, omnia simul digito, & manu sustinens atque ostentans iis, qui adstabant: hinc quam porui celerrimè tubum inuerti, vt digitus fieret superior; ac tunc, velut in instanti apparuit vacuum versus meum digitum multo prius,

prius,quàm aeris gutta illuc ascenderet:hæc enim gutta, videntibus,omnibus sensim per hydrargyrū ascēdit,& ad vacuum superius peruenit,vt sic inferiori parte tubi mērum relinqueretur hydrargyrum.Rursus autem celeriter tubum inuerti, & statim, cadente hydrargyro in meum digitum non sine aliquo doloris sensu propter impetum, quamquam non altus esset casu, Vacuum in superiori parte tubi apparuit: gutta autem aeris, non nisi sensim eodemascendit:Et sic factum est toties, quoties ego tubum inuerti:Vnde omnes exclamarunt,tale vacuum non esse aerem.Sed & idem ego cum gutta aquæ:& idem rursus cum gutta aquæ.& gutta aeris expertus sum,ac idem semper apparuit.Oportet autem ad hoc, tubum non admittere plus quàm sex digitos vacui, alias hydrargyrum vel digitum læderet,vel tubum in petu frangeret;quibus tamen periculis sublati, poterit eligi tubus quicunque maior, & elegantius euadet experimentum. Sed iam Rothomagum redeamus.

Post Aristotelicos,non pauci,qui cæteris multo oculatiores sibi videbantur;ex iis scilicet,qui cogitata sua,non minùs quàm nudam veritatem depereunt,ad hydrargyri naturam recurrentes,quam spiritibus abundare constar; non cunctanter affirmarunt,tale spatium in vertice tubi relictum veluti vacuum,non reuera vacuum esse, sed totum a spiritibus illis obtineri. Verùm illi primò quidem rationibus,quibus Aristotelici & quidē iure,refellebatur quippè quod ex maiori aut minori copia hydrargyri,produci debuisset maior,aut minor copia spirituum; præcipuè in diuersi tubis diuersæ latitudinis,& altitudinis;sicque hydrargyrum in tubis quidem aliis autem humilius stare debuisset, nec seruare æqualitatem illam pedum 2. & 7. partium 24. m. Cum tamen illis obstinatus opinionem suam extollerent; vt iam eorum vnus,quem cæteri veluti ducem sequebantur, libellum viginti quatuor horarum oispat editum inlucet emiseric, de mirabilibus Mercu-

Mercuri? (sic enim dydrargyrum vocant) proprietatibus ;
 C  sivit D. de Pascal alia ratione eis occurr  dum esse . Cur-
 rauit igitur , duci ex Crystallo tubos 40. ped   , eosq. Malo
 alligari , & machinas instrui , vt iam dixi ; constitutoque
 die ac loco amplissimo in area officin   Vitreariorum , in-
 uitauit omnes , vt adessent , mira consp  cturi . Adfuerunt ,
 atque vna cum illis Scriptor ille suis affectis vndique sti-
 patus ; Inierat autem priuatim solertiss. D. de Pascal , cal-
 culum de aqua , & vino cum hydtargyro comparatis
 sec  ndum grauitatem , vt inde debitam vnicuique alti-
 tudinem eliceret , ad hoc vt in iis altitudinibus   quip  -
 detarent : reppereratque posita altitudine pr  dicta hy-
 drargyri pedum 2. A 7. partium 24. m. deberi aqu   pe-
 des 31. & vna nona circiter : Vino autem pedes 31. &
 du   tert   proxime . Itaque antequam quicquam sui
 propositi aperirer , interrogauit egregios illos sapientes ,
 nec difficulter ab iis elicit , maiorem in vino qu  m in
 aqua spirituum copiam reperiri ; ideoque fore , vt , si ex-
 perimentum fieri posset in iis liquoribus (fieri autem
 posse satis apert   negabant) vinum plus spatii , qu  m
 aqua , relicturnum esset in apice tubi , positis tubis ei  s-
 dem altitudinis . Hoc concessio , ostensus est eis malus ia-
 cens cum tubis alligatis : quibus , altero aqua , altero vi-
 no , repletis , & oribus occlusis , erectus est Malus , & si-
 tul   oribus ipsis Tuborum admot   , quarum altera vi-
 no , altera aqua plena erat , in quas immersa erant tubo-
 rum ora , tubis semper plenis remanentibus , donec ora
 eorum recluderentur ; quibus apertis , statim ambo illi
 liquores in tubis contenti sic depressi sunt , vt postqu  
 quiescerent , staret altitudo aqu   in suo tubo , supra super-
 ficiem alterius aqu   in situla subiecta content   , pedibus
 31. & vna nona circiter . Vinum autem paulo altius , puta
 31. & duabus tert  is proxime , remanentibus tuborum re-
 liquis partibus superioribus veluti vacuis . omnino si-
 cuti in hydrargyro deprehensum erat . Rursus autem

mutati

mutati sunt liquores in tubis, ut qui prius aqua is postea vino repletetur, & vicissim: nec ideo quidquam in experimento mutatum est circa utramque altitudinem. Inclinatorum est Malus sensim, & sensim uterque tubus replebatur, ascendente liquore, ut super obtineret prædictas altitudines, secundum perpendicularem mensuratas. Facta est quoque observatio in tubo 15. pedum, partim aqua partim hydrargyro repleto: ac tum, quoties ambo illi liquores simul plus ponderabant quam altitudo pedum 2. & 7. 24. *m* solius hydrargyri, aut quam altitudo pedum 31. & unius nonæ, solius aquæ, quod eodem recidit; toties, posito in scutella subiecta merito hydrargyro, ambo liquores in tubo sic descenderunt, ut hydrargyrum quidem inferiorem tubi partem supra scutellam occuparet, secundum altitudinem, quæ minor esset pedibus 2. & 7. 24. *s*; supra hydrargyrum extaret aqua, quæ altitudinem hydrargyro deficientem sic compensaret, ut ipsius aquæ altitudo contineret 13. & 4. 7. *as* partem altitudini hydrargyri deficientem: tum supra aquam reliquum tubi remaneret veluti vacuum. Et quamquam ad hanc observationem adhibitus publicè fuerit tunc tubus 15. pedum; tamen illa postea, in tubis quoque 4. aut 5. pedum facta est æquè eleganter. Namque ad hoc sufficit, ut, dum initio hydrargyrum in tubum infunditur, illud non impleat quidem totum tubum; at idem altitudinem obtineat maiorem pedibus 2. & 7. 24. *is*, reliqua verò pars tubi aqua repleatur: sic enim res semper bene habebit, modo in scutella subiecta merum sit hydrargyrum. Nam si huic imponatur aqua aut si tubus aquæ immergatur; siue totus, siue ex parte tantum; tunc in omnibus observationibus, siue merum hydrargyrum tubo includatur, siue cum eo immittatur aqua, ambo illi liquores in tubo altius ascendent, quam supra dictum est: & auctio illa

Etio illa continebit vnā partem qualium altitudo aquę hydrargyro scutellę superpositę continebit 13. & 4. 7. *as* quandoquidem grauitas aquę ad grauitatem hydrargyri, sub æquali mole, se habet vt 1. ad 13. & 4. 7. *as* His & multò plurius obseruationibus diuersimodè multa cum diligentia exhibitis, & quater publicè repetitis, occlusum est os misellis illis sciolis. Neque tamen idè quicquam certi statui potuit circa spatium illud, quod apparet veluti vacuum, in quo fit motus successiuus corporum, & per quod transit lumen vna cum coloribus. Expectamus ergo dum tubi fabricentur, in quos quędam animalia intrmittere possimus, vt videamus, an ibi viuere, ac præcipuè, an volare possint. Si enim volent, procul dubio corpus est, cui alę eorum innitentur: alias merum videbitur vacuum, vt ab eo permulti tantoperè abhorreant, vt quiduis potius quàm tale spatium sine corpore admittant. Nec desunt, qui maluerint ad materiam quendam subtilissimam recurrere, in qua & aer, & cætera corpora tam dura quàm fluida innatent, dum per eorum omnium poros illa facillimè, & nulla propè resistantia penetrat, prorsusque omnia replet spatia. Quod quidem, quia gratis affirmant, semper licebit gratis negare; dum illi huiusmodi materię existentiam firmis rationibus stabilierint. Præsertim verò quia multis non difficilius videtur meri vacui, quàm talis materię existentia, cuius necessitas aut vsus in rerum natura nullus apparet.

Quidquid sit in eo iam ferè omnes conueniunt, quod, nisi merum illud sit Vacuum, at certè id eorum corporum vacuum est, de quibus in Philosophia Peripatetica sermo habetur: Puta Terrę, Aquę, Aeris, Ignis, & Cæli: quoque in liquore, qui in obseruatione adhibetur, solius grauitatis, non autem alterius qualitatis habenda sit ratio.

Cato.

Cæterum non omittendum est, factam fuisse ab eodem D. de Pascal hydrargyri obseruationem in tubis recuruis, quos communiter siphones vocamus: quibus hydrargyro repletis, tum ita inuersis, ut ambo orificia in hydrargyrum duabus scutellis contentum immergerentur, ventre siphonis in aere extrante versus superiorem partem: si quidem venter ille supra hydrargyrum scutellæ vtriusque minus ascenderet quàm pedibus 2. & 7. 24. *is* perpendiculariter sumptis; essentque scutellæ cum suo hydrargyro, secundum eandem superficiem horizontalem, dispositæ, habita ratione superficiæ superioris vtriusque hydrargyri in scutellis contenti: tunc stabat immorum totum hydrargyrum, tam in siphone, quàm in scutellis contentum. Si verò altera scutellarum altera altior esset; tunc ab altiori hydrargyrum per tubum ascende-
bat, & in depresso-rem defluebat, donec, vel totum exhauriretur, vel ambæ superficies hydrargyri in scutellis contenti, ad horizontem, in vnâ superficiem librarentur. At, si venter siphonis supra vtriusque scutellæ hydrargyrum altior esset, quàm pedibus 2. & 7. 24. *is* perpend. tunc, quod minimè expertis videbatur miraculum, ex utroque crure siphonis, hydrargyrum in scutellam suam eò usque recidebat, quousque remaneret altitudo toties iam dictam pedum 2. & 7. 24. *m.* supra hydrargyrum vtriusque scutellæ; siue ipsum in vtraque scutella in eodem plano horizontali staret, siue non: Venter autem siphonis apparebat veluti vacuus inter duas partes hydrargyri hinc inde in cruribus siphonis contentas: quo in statu cessabat omnis motus. Tandem si venter siphonis supra vnius scutellæ hydrargyrum minus altus esset, alterius verò, vel æquè altus, vel altior mensura prædicta: tunc, pro varia altitudinis differentia, variæ phasæ conspiciebantur, quas recensere nimis longum esset. Nec dubium fuit,
quin

quin idem omninò in aqua, vel in alio quouis liquore fieret, si siphones debitæ altitudinis adhiberentur. Ne quis ergo putet in posterum, aquam ex vno latere montis quantumvis alti, posse, superato montis vertice, beneficio siphonis firmissimi, deduci in vallè opposito montis lateri subiacentem: hoc enim supra altitudinem pedum 31. fieri non potest. Neque etiam suprà hanc altitudinem ascendet aqua in tubis illis, qui communiter in puteis applicantur ad suggendam, & attollendam aquam, si machina adhibita suggat tantum, non autem premat: nam premendo, poterit sanè aqua altiùs pelli, si machina debite constructa sit, ac disposita.

His animaduersis, inter multas quæstiones, duæ nobilissimæ inter eruditos agitari cæperunt. Prima, qui fieret, vt liquor, qui obseruatione adhibetur incerta quadam altitudine supra subiectum sibi in scutella liquorem, veluti inter vires quasdam contrarias libratus sustineretur, habita ratione ponderis ipsius liquoris, ad altitudinem ipsius in tubo determinandam? Secunda, qui fieret, vt quiescente liquore in debita sibi altitudine; si vel gutta ab eo descendat, admissa scilicet per os tubi quadã cuiusvis aliùs leuioris gutta; tunc reliquos liquor in tubo contentus, ad summum tubi subito, & si hydrargyrum fuerit, magno cum strepitu ascendat; & tanta vi in ipsum fundum superius impingat, vt multos tubos, præcipuè ex longioribus, fregerit, atque in aerem longè supra tubum exilierit: sique tubus illæsus super sit, rursus descendat liquor, & post aliquam motuum contrariorum reciprocationem secundùm ascensum, & descensum, quæ reciprocatio omnibus fermè experimentis familiaris est, quiescat: tum dimissa alia gutta, ascendat rursus, minus tamen violenter: atque ita alternando per aliquot vices, donec totus liquor grauior ex tubo dimissus fuerit, & leuior in locum illius ascenderit? Sed, quia quæstiones eruditi diuersissimæ

fissima sentiunt ; & discussio opinionum longa est ;
 ideò expectabo super hac reliteras tuas , ac tunc , si
 ita tibi videbitur , ultra progrediar , & si quid
 noui interea acciderit , quod tibi placitu-
 rum putem , illud narrationi adiun-
 gam . Vale Vir mihi colen-
 diffime , & me , vt hu-
 sque fecisti , in po-
 sterum amare
 perge .

Parisius 12. Cal. Octobor: Anno 1647.

De Inuentione artis exhibendi
Vacuum.

NARRATIO APO- LOGETICA

*VALERIANI MAGNI
FRATRIS CAPVCCINI,*

Ad

Nobilem & Clarissimum Virum
AE. P. DE ROBERVAL.

Quod hoc anno 1647. 12. Iulii Varſaviae Typo
vulgauerim, me eſſe primū, qui publicau
Vacuum, exhibitum in Fiſtula vitrea, vertis,
Vir doctiſſime, defectui candoris, quippè quod
hoc ipſum ab anno 1643. in Italia vulgatum
ſit, præcipuè verò Romæ, & Florentiæ; ac ea de re di-
ſputatum inter doctiſſimos viros, Euang. Turriceſium,
& Angelum Ricci, cuius Epiſtolam de ea quæſtione A.
R. P. Merſennus Ordinis Minimorum miſerit Pariſios:
Ego verò illis temporibus, quibus hæc agebantur, fue-
rim Romæ, conſcius omnium, & conuerſatus cum do-
ctis illis. Hiſcè adiungis experimenta Vacui, eodem ar-
tificio celebrata Rothomagi à Nobiliſſimo Viro D. de
D Paſchal

Paschal mense Ianuario, & Februariolabentis anni 1647. ac demum Parisijs tua industria non solum exhibita, verum etiam aucta obseruationibus accuratioribus. Hiscè me agis reum laudis vsurpatæ, quæ non mihi, sed alijs debeat: Ego verò te redarguentem sic interpello.

Veni Romam 28. Aprilis anni 1642. Inde discessi prima Maij 1643. & eo ipso anno menses Iunium, & Iulium exegi Florentiæ: inde concessi in Germaniam primum, deinde in Poloniam; ac demum redij ad Urbem ineunte anno 1645. vnde discessi eodem anno mense Septembri, redux in Poloniam.

Romæ non vidi, neque vnquam noui ex nomine Angelum Ricci: Florentiæ Euang. Turriceium nec vidi, nec nomine tenus vnquam cognoui: non quia viris illis desit claritas nominis, sed quod ego sim obscurus illis. Florentiæ habui commemorationem frequentem etiam cum Sereniss. Principe Leopoldo de pertinacia Peripatus in sententia Aristotelis contra ipsum visum, & tactum: imò quæsitum ibi, an consultum foret meæ Philosophiæ, si ea ex illa Ciuitate, sub auspicijs Sereniss. Magni Ducis Ætruriæ, prodiret in lucem, nec tamen aliquando sonuit mihi in illa Vrbe vox ista, Vacuum.

Romæ A. R. P. Mercennus anno 1645. nil mecum contulit de hoc experimento:

Cæterum, nil de hoc experimento vidi, aut typo, aut scripto exaratum, aut per epistolâ inter amicos communicatum. Consilium ergo de superanda impossibilitate Vacui, incidit mihi apud Galilæum, quod aqua nequeat per attractionem ascendere in fistula vltra cubitum decimum octauum, & ab vsu libræ Archimædis, quam Cracouiæ anno 1644. dono accepi a Tiro Liuiio Buratino, viro erudito in Mathematicis; quâ occasione cognoui proportionem grauitatis inter aquam, & mercurium esse 1. ad 13. proximè: nec fuit tanti acuminis intellexisse, tubû cubitorû viginti, si aqua repleatur, reditu-

dirurum duos : fin vero contineat argentum viuum , re-
tenturum tertiam decimam partem cubitorum octode-
cim. Anni sunt octo, quibus variè præpeditus , frustra di-
ſpono fabricam fiſtulæ ultra cubitos octodecim , & qua-
tuor (ſcilicet ab uſu libræ Archimedis) quibus quæro
tubum vitreum altitudinis trium cubitorum . Biennium
eſt elapſum à prima diligentia: nec tamen officina vitrea-
ria propè Cracouiam aut voluit , aut potuit dare fiſtu-
lam congruam operi diſpoſito . Adhibui ligneam, quam
etiam num habeo , cernente inter alios Nobili viro Do-
mno Hyeronimo Pinocci, liberalium artium cultori exi-
mio . Verùm Mercurius ſterit in illa, longè infra altitu-
dinem debitam ; eamque per ſingulas vices variabat, pro
varia copia aeris attrahendi per poros ligni : quibus tamen
non obſtantibus, alia fiſtula ex eodem ligno fabricata, cu-
ius longitudo non æquabat quinq. partes quartas cubiti,
nil mercurii , quo fuerat repleta , reddidit vnquam : &
expettus ſum, pondus mercurij ex fiſtula , per uia aeri,
premere digitum obturantis orificium infernum conatu
penè incredibili : ſecus , mercurio in fiſtula vitrea ſuſ-
penſo a virtute prohibitiua vacui .

Demum , cùm Gaſpar Brenorius Venetus , qui apud
Reges Angliæ , Daniæ , & Sueciæ ſuam in fabrica vitri
celebrauit artem, euocatus Dantico à Sereniſſimo Rege
Poloniæ , venit Varſauiam , ab illo humaniſſimè accepi
plures diuerſæ altitudinis , & diametri tubos , ex qui-
bus aliquos , quorum altera extremitatem protuberat :
promiſeratq. Regi alios longitudinis cubitorum trigin-
ta: ſed Brunorio coaſto alio transferre fornacem , adhi-
bui interea metallicum .

His ergo exhibui experimenta Vacui, Typo euulgata,
non tamen in eum finem, vt docerem poſſibilitatem Va-
cui, ſed vt inde arguerem falſitatis prima principia Phy-
ſicæ Ariſtotelicæ: quapropter gaudeo , experimenta hæc
eſſe antiquiora inter veſtrates, firmarique veſtra quoque

auctoritate. Vitam quæro ex veritate, non laudem, at nolim ex inde vituperium primæ inuentionis, mihi arrogatæ contra meam conscientiam: in quem finem attego duo fragmenta Epistolarum.

Ad. R. P. Simplicianus a Mediolano ex Vicecomitum familia, nostri Ordinis Commissarius, & Procurator Generalis in Vrbe, mihi nuntianti sæpe facta experimenta respondet. 7. Septembris proximè præteriti, in hæc verba latinè reddita: *Legimus cum nostra delectatione singularissima, ego, & alii Fatres, hic Roma commorantes, librum tue Ad. R. Paternitatis, quem aliis quoque extra Monasterium communicauimus, præcipuè verò Illustriſs. ac Reuerendiſs. Domino Viceſgerenti, & omnes existimamus, illum esse partum dignum, &c.* Sunt in nostro Conuentu Romano ducenti circiter Cappuccinorum: duo studia, vnum Philosophiæ, alterum Theologiæ, præter alios præcipuos Patres, qui passim eo conueniunt ex toto Ordine, nec tamen vnus exitit, qui experimenta illa aliundè scisset, quàm ex meo libello.

Adm. R. P. Petrus Martyr Vistarinus Doctor Theologus Ordinis Dominicanorum, litteris Papię datis præterito mense Septembri, his verbis me affatur. *Vltima Epistola, quam accepi à meo fratre, reddidit mihi vnum exemplar Demonstrationis ocularis de possibilitate vacui: Res sanè, quæ primo aspectu visa est ridicula: quapropter rescripsi, me timuisse, ne deesset applausus, qui alioquin Auctori debetur. Sed mihi cœdat, Demonstratio illa ponderata, & accuratè examinata à Doctore publico meo Collega, eum induxit ad præparandum necessarium pro iisdem experimentis, disponitque Typis euulgare conformia: &c.* Est Papię Studium vniuersale præcipuum totius Italiæ, nec tamen innotuit illis quid Turricellius, quid Ricci secum ipsi, aut cum aliis disputarent, aut scriberent. de hoc argumento.

Acce-

Accedit D. Alexander Mazzi Medice s, vir præcipuè nobilitatis, qui mense Augusto præterito, concitus fama exhibitæ spectaculi, me hic Varſaviæ acceſſit, ac rogavit, ut illud ipſum repeterem eo ſpectante, poſtulavitque exemplaria meæ Demonſtrationis & Epistolam meam ad Sereniſs. Principem Leopoldum, gaudebatque fore ſe nuncium tantæ novitatis.

Bienio ab hinc R. P. Ioan. Baptiſta Adrianus *Societ. IESV* diſceſſit Roma, ubi docuerat Rethoricam, venitq. Varſaviam, ibique ſpectavit experimenta Vacui, velut inaudita: Ergo Capuccinus nectiſſe quid Romæ innouatur in Philoſophia, eſt poſſibile: ſi quidem id ignoravit Collegium Romanum *Societatis IESV*.

Quid plura ſunt apud nos plures Galli, ex quibus multi ingenio, & eruditione clari, qui Demonſtrationem meam laudarunt, præcipuè à novitate. Ignoscat ergo Tua Prudentia Valeriano, ſi id, quod ſuoptè iudicio adinuenit, & perfecit, ignoravit fuiſſe prius factitatum ab aliis. Meus textus excipit priuatam ſcientiam de hoc arcano, cuius non me dico auctorem. Sum fortaiſis primus, qui eam Typo publicam feci, diſtractis exemplaribus per maiorem, meliorẽq. Europæ partem: non aucupaturus laudem a demonſtrato Vacuo, ſed præparaturus duriora quorundam Peripateticorum ingenia ad tolerandum mi nus acerbè Philoſophiam meam, luci proximam. Dominus de Noyer vidit allegata documenta, ſcilicet, librum Galilæi, libram Archimedis,

tubos ligneos, epistolæ duas: teſtis inſuper

ocularus omnium, quæ hic Varſaviæ

contigere in demonſtratione va-


cui. Vale, Vir, quem dudum

amo, & veneror tibi, licet

ignotus. Varſaviæ

Nona Nouem-

bris, 1647.



nis
Impugnatio Resp: A.R.P. Regentis Tho-
mę Capponi 3. Ord. S. Francisci ad
experimentum vacui demonstra-
tium, confirmatę ab A.
R.P. Magistro

DOMINICO FERRARIO
dignissimo Ciuitatis Regij Theologo.

PRÆSTANTISS. VIRO

D. FRAN. TURRICELLIO
DENALIO.

Post egregiè peractam à Clarissimo viro Domino Ioan: Antonio Rocca iam vulgatam fistulæ ad probandum vacuū experiētiā, circumspēctantibus etiam acerimis peripateticę doctrinę defensoribus; ex his alij non magis Aristotelica dogmata, quam veritatem adorantes, facta prius experimentorum, responsionum, ac impugnationum longa repetitione, tandem acquievere; Alij non; inter quos præcipue supra dictus P. Regens subtrillissimas Rationes excogitauit ad idem experimentum.

Ego verò, qui propter alias rationes à Præstantissima Dominatione Vestra benigniter acceptas iā existimabā, non modo possibile, verum etiam aliquando necessario contingere vacuum; visa nunc conuincēti hac experiētia, non à nouitate perterritus; sed certior factus sum: Vnde licet ad reiiciendas tanti viri Rationes non

E idoneus

idoneus; nihilominus compulsus veritatis amore, quæ facilem pro sua tutela mihi viam ostendit eandem impugnationem intrepidus aggrediar examinando singula.

Dicit ergò primò Pater iste, naturam abhorere à vacuo, ideoque, se putare, spatium à mercurio relictum plenum esse corpore cohalescente, & euaporatione mercurij, quasi diceret: Natura abhorret à vacuo; ergò vacuum impossibile; inepta verè consequentia; nam ex eo quod filum pendens v. g. sustentans vnus libræ pondus scissioni resistit, & abhorret ab ipsa, non benè concluditur, quod quocumque pondere appenso, scissio fili sit impossibilis. Hoc igitur argumentum illius loco substitue: Natura abhorret à vacuo, eique resistit (quare propria virtute grauius suspendit); at quia virtus naturalis agentis proprium habet terminū, cum sit finita; Hinc est, quod, sicuti filum pendens, vt scissioni resistat, sustentat pondus vnus libræ; non verò 5, vel 6. ita natura ne vacuum admittat 7. 8. vel 9. sustinet librarum pondus, non verò 30. 60. vel 200.

Ibidem etiam includitur hoc argumentum: Natura nil facit frustra; vacuum esset frustra; ergò &c. Ad quod multiplex est responsio; tum quia natura verè, ac positivè non facit vacuum (cum actio terminari non possit ad nihil) neque per se illud intendit, sed per accidens sequitur: Explico: posito lapide in vase aqua pleno duo sequuntur effectus, descensus lapidis, qui per se, & immediatè intenditur ab eiusdem gravitate, ac ascensus aque, qui mediatè sequitur, atque per accidens, quatenus ob corporum impenetrabilitatem descendere nequit lapis, absque eo, quod ascendat aqua; sic in experimento duo sunt; primum est mercurij descensus, qui per se, ac immediatè intenditur à natura; sed quia mercurius in descensu spatium relinquit; in quod aliud corpus subingredi nequit; ideo, licet necessario, per accidens tamen, ac mediatè sequitur vacuum; tum etiam quia licet natura

tura faceret vacuū, non tamen frustra; sed ad optimū finē, & cū recta electione illud faceret: Exēplū est in promptu: se stultum fingere dedecet absolūtē prudentem; at in reo v.g. lēse maiestatis ad euitandam Principis iram prudenti, t, quam prudentem agere; sic à pari: licet simpliciter arguat in natura stultitiam admittere vacuum adeo sibi violentum; admittere tamen ipsum ad fugiendam maiorem violentiam, ne v.g. mercurius inter grauiā grauiissimus ad 4. vel s. cubitorum altitudinem permaneat violenter eleuatus, ordoq; vniuersi nimis interturbetur, optimum arguit in ipsa regimen, ac electionē.

Dicere verò, mercurium euaporabilem esse (licet ex vi propriæ rationis in hoc probando forte non assequatur intentum; (sunt enim hæc eius formalia verba) mercurius est maximè aqueus, & habet non nihil subtilitatis aereę, ac terreę soliditatis, quare ponitur à multis materia proxima metallorum, ergò &c.) nihil officit; cum enim euaporatio mercurij, præcipuè tanta, quanta requiritur ad replendos duos, vel tres fistulæ cubitus, præsertim absque intenso calore fieri non possit nisi longissimo tempore, defensus verò nostri mercurij fiat breuissimo, consequenter improbable redditur, superiorem fistulæ partem plenam esse vaporibus.

Confirmatio quoque per experientiam probans mercurium per transire pannum (quod ab eius grauitate, ac liquidate prouenit) nihil ad rem.

Præterea non valet asserere, fistulæ motum, manuumq; contactum excitare mercurium ad euaporationem; tum quia mercurij motus hunc effectum præstare potens nullus est, præter eius descensum (non dum enim antea vapor separatus erat) manus verò per contactum (vt optimè dicit Pater Theologus) vix proprio calore possunt extimam crassæ fistulæ superficiem afficere; non igitur ex adeo debili causa tantus effectus expectandus est; tum etiam, quia si breuissimo tempore descendit mercurius

è parte superiori fistulæ, quia propter motum, manuumque contactum vaporibus implet spatium a se relictum; cur paulo longiori tempore non descendit è tota fistula? (præcipue si præ manibus agitetur) cur eundem non præstat effectum in breui cannula? cur in longiori idè occupat spatium, ac in breuiori? cur denique secundum maiorem, vel minorem motum, manuumque contactum non euaporat magis, vel minus, ac proinde maius, minusue spatium occupat?

Neque Responsio Patris Theologi dicentis, mercurium perstrictum, ac agitaturn, vel subtilissimos emittere spiritus, vel aerè interclusum, euitare potest experientias, atque rationes probantes ibi nullum adesse corpus, aerèque præcipuè, quæ licet magni ponderis, & innumeræ sint, nihilominus (cum ex his nonnullas à se recenter inuentas eruditissimè sit adducturus studiosissimus, ac doctissimus Dominationis Vestre Frater Dominus Phæbus) ego eas tantum, licet debiliores, assummam, ad quas responsum esse putant supradicti Patres; meumque munus erit eorum responsiones impugnare, ac penitus euertere: Sit ergo.

Prima ratio: si descēsa mercurij portione elleuetur fistulæ orificiū ad aerem vsq; vel aquam in vase mercurio supernatantem, hæc maximo statim impetū tendit ad spatium superius occupandum; item mercurius inclinata atque directā fistula maius, minusque spatium occupat, eundemque præstat effectum, si eiudem fistulæ orificium ad suppositi vasis fundum deprimatur, ac elleuetur; ex quibus nullū apparet esse corpus in superiori parte fistulæ; sed solam naturæ prouidentia in fugiendo quantum fieri potest vacuo; aquam enim mercurio leuiorem ad fistulæ summitatem attollit; ipsumque mercurium elleuat, non tamen statutis absque terminis, ultra quos extendi non licet.

Responder ad primum, quod ideo ascendit aqua, quia
tale

tale corpus, quod supponit rarefactum petit condensari, ac proinde relinquere spatium, ad quod occupandum currit aqua.

Sed contra; tum quia cur minus est naturæ violentum grauitantem aquam elleuare, quam vapores iam rarefactos ita detinere? tum quia non ne impetuosissimus, vt ita dicam, ascensus aquæ vel aeris indicare videtur proprium finem esse accurrere alicui naturæ violentissimo cunfinodi vacuum? non verò soli vaporis rarefactioni? tum denique quia si propter dictum finem ascenderet aqua, vel aer saltem cessare deberet ascensus ante torius spatij mercurio vacui repletionem, nempe statim, ac ille vapor ad naturalem condensationis statum redactus esset; cuius oppositum testatur experientia.

Nec respondere valet, etiam post vaporis condensationem aquam ascendere, vt mercurius vaporis suo se rursus vniri possit, quia tantanè forsam est mercurij connexio cum vapore iam separato, quæ violentare possit aquæ naturam ad ascendendum ad 7 vsque, vel 8 cubitorum altitudinem? præcipuè, cum per ipsos mercurius faciliter euaporet, & cum appareat omnes, vt aquæ vg. vapores absque violentia per manere separatos: Præterea, certè minus est mercurio violentum ad centessimam cubiti partem elleuari, quam aquæ ad 7. vel 8 cubitus (hoc demonstrari potest per grauitatis inter vtrumque proportionem) ergò, si vt vapor ille suo possit vniri mercurio ascendit aqua ad 7 vel 8 cubitus; cur dum fistula descenso mercurij tantillo, clausoque orificio iacet in plano, cur, inquam, mercurius se non elleuat ad supremam fistulæ superficiem (à qua suppono quod distet vix centesima cubiti parte) vt se vaporibus vniat?

Ad secundum verò respondet, in inclinatione fistulæ mercurium maius occupare spatium, vel quia partes aliquæ magis vniantur in latere fistulæ vel, quia vapores magis condensentur, ac proinde relinquunt spatium, ad quod

quod occupandum currit mercurius.

Sed hucusque nulla responsio; prima namque indiget explicatione; non enim existimo talis viri responsionem eo modo intelligendam esse, quo intelligenda videtur, quia ferè stolidi dicerent: esset: secunda verò non valet, tum quia non assignatur causa, à qua vapor ille condensari debeat in inclinatione, in erectione verò rarefieri; imò, quia secundum doctrinam eiusdem, motus, manuumque contactus mercurium excitat ad evaporationem, & in tantum descendit mercurius, inquantum euaporando relinquit aliud corpus in parte relicta; consequenter in inclinatione, motuque fistulæ magis euaporare deberet, atque descendere.

Secunda ratio: Si linteum maximè calidum applicatur superiori fistulæ parti, cum calor disgregando procedat, corpus vero vaporosum sit capax disgregationis; consequenter rarefieri deberet, rarefactum maius occupare spatium, ac proinde deorsum demittere mercurium, quod in experimento non apparet.

Respondet primo, quod non est necesse moueri mercurium etiam moto illo corpore, quia inter mouens, & motum requiritur aliqua proportio; cum ergò mercurius sit multum grauis moueri non potest à leuissimo corpore: Respondet secundo, tale corpus sine motu sensibili mercurij cum ipso misceri.

Sed vtraque Responsio facilimè reijcitur: primo; quia si rarefit corpus illud necessario maius occupat spatium, quod fieri nequit nisi mercurius locum ipsi cedendo deorsum moueatur, & quæso, quonam impulsu opus est ad deprimentum mercurium contra propriam naturam elleuatum? nullo quidem, nam à se ipso præcipitat; & eget tantum corpore subingrediente spatium à se ipso relinquendum; Præterea in quonam consistere debet proportio mouentis ad motum? forsam in leuitate, ac densitate? ut ipsemet insinuat: Nequaquam certè, nam, si cre-

crendum est Aristoteli, Terre motus provenit ab exhalationibus terra subterclausis, & ipsam exagitantibus; quænam autem est proportio inter terram, ac exhalationes in leuitate, vel densitate? Insuper si exhalationes illæ possunt elleuare terram contra propriam naturam, cur vapores isti non poterint deprimere mercurium secundum eius inclinationem? secunda verò, quia si corpus istud mercurio miscetur, sine confunditur, vel debet admitti penetratio corporum, vel præsupponi vacuum in mercurio, vel saltem augeri mercurius, quod non apparet. Vtraque tandem simul impugnatur; intantum enim mercurius violenter permanet in inferiori parte fistule, inquantum corpus occupans partem superiorem non extenditur vltius; ergò datò, quod extendatur (vt in casu) insaniret natura si descensum adeo gratum mercurio denegaret.

Tertia ratio sic affertur ab ipso: Quomodo corpus illud reuersa fistula transire potest de extremo in extremum? & Respondet hoc fieri, quia cogitur à mercurio; Sed nulla Responso; nam in hoc nullam habeo difficultatem; meum enim argumentum est huiusmodi:

Si clauso orificio fistula ponatur in plano, vixque moueatur, statim mercurius tam impetuosè, vllaque sine renitentia huc, illucque repente collidit, vt ferè verificari videatur peripateticum illud: Motum in vacuo instantaneum esse; item reuersa fistula, mercurioque descendente nullum apparet spatium per quod aliud corpus ascendat, transeatq; per medium (hec verò non ita contingunt si cum mercurio recludatur aer) ergò nullum est ibi corpus præter mercurium, qui quando tendit ad vnâ fistule partem vacuum ex alia relinquit, & viceuersa. Regij 20. Maij 1649.

PRÆSTANTISS: DOMINAT: VESTRÆ

DEDITISS. FAMVLVS

Antonius Morengianus.

Ingeniosissimo Adolescenti D. Antonio Morenghio.

*Habui, amicissime Antoni, ingeniosissimam,
ac acutissimam tuam impugnationem: quæ adeò
digna mihi visa est, ut eam huic pretioso li-
bello, de Vacuo, qui nunc typis mandatur, in-
serere non dubitauerim. Ex quo, tum meum erga
tè amorem, tum virtutum tuarum existima-
tionem potes dignoscere. Interim mè amare non
desine: meque frequenter huiusmodi erudi-
tissimis tuis epistolis visitare. Vale. Venetijs.
2. Iunij. 1649.*



Amantiss. tui Famulus
Franciscus Turricellius Denalius.

FINIS.

Aug. 29/88



S Veriusq; laus Doctor, Canonius Sene! M^{mi}. P^{mi}. in xpo P^{is} e
ELATO electio Nobiliq; Sene et Iureconsulto salutem in dno sempiternam
vni nobis de mandata Paullus meritis nos inducunt ut iustissime petiti
fontis regionis Petrus nuntiata Sench. diocesis cum suis amplexis
bonum et Paullum tenorem salutem et ab eade. sede admira
tu in reuerentia necessitis in erga mendis deservitis sub n^o umbo expecti
en in spiritualibus gravi salutem et Afficam. benedictionem, Dignum arbi
tra aude sedem et illam tunc ualentia et iugata uacatuna collat
tam ecclesiis ecclesia de Petrus nuntiata. S. I. n. r. i. o. c. i. l. o. n. t. i.



OTTECA



24